



10505

讀書堂綵衣全集

河陽趙士麟玉峰父著

男 宸黼編

卷十八

壽序 十三首

壽大學士張京江先生太母何太夫人八表序

乙亥秋初朔六爲大學士張素翁先生太母何太老夫人八表設悅之辰長安之公卿大夫及珂里之宦在邸寓者咸爲製錦賡歌稱觴遙祝以迄士農工賈父老童穉莫不歡呼忭舞塗歌巷吟爲太夫人慶內閣中翰諸君亦爲屏介之請序於予予辭以弗文弗獲乃受簡颺言曰上天篤生碩輔以佐 國家太平

壽堂彙卷第十八

一

浙江書局刊

休隆景運豈偶然哉既有兩間清淑之氣以孕之川岳之靈以鍾之五百年之昌期以應之又有賢父慈母以育之教之當在妊也有胎教及其生也襁褓乳哺有教出就外傳有教庭訓有教古稱丸熊畫荻孟母三遷則慈母之功較多太夫人閱閱名家世爲望族幼嫻內則精通書史相湘翁太老先生舉鄉試第一成進士致身通顯歷銓部督學中州冰操雅化皆太夫人內助之舉丈夫子六長禮存君丁未榜眼次卽今相國素翁先生次候補大行人實存君次刑曹湯存君丙辰進士次農曹偉存君戊辰進士次端存君明經難兄難弟名振一時吾聞欲知母德當觀子賢又曰欲知子孝徵親遐年此理之斷斷不爽者相國昆弟早歲擢巍科先生弱冠讀書中祕已而啟沃 綸扉賦性澹泊律身嚴謹公忠許國清白傳家從容整暇一無所好退

食之餘周旋斗室匡牀危坐若椀鑑香晨夕一編披覽靡倦研
精抉髓不異經生且至誠無妄天君泰然達於天人性命之旨
精於明體適用之學包乎內聖外王之理淵源家學微顯一致
此誠意正心脩身之要太先生教之於昔太夫人教之於今日
者也 聖天子建中和之極登四海於雍熙文教用敷含元育
萬而又慎選經術醇儒置之左右以資贊翼一德一心先生應
運而起天工人代以襄放勳重華極治之盛有而不居退然若
不勝豐功偉伐雅節清風仰佐 皇猷俯嚴請託才大而心彌
小業成而志愈篤披星而入撒燭而出核古準今兼綜巨細立
身行己爲百爾矜式遭逢 堯舜得行其道胸若天空霞斂纖
毫不著其心休休焉其如有容焉美哉無他技之休風也燮理
憂勤朝乾夕惕先天下之憂而憂後天下之樂而樂此治國平

臺臺彙卷第六

浙江書局刊
九三三

天下之道太先生教之於昔太夫人教之於今日者也諸公皆
學瞻而文雄光耀人寰先生奏疏剴切 召對簡確記傳詳覈
讚頌深穆箴銘警嚴歌行風雅何一非裨 廟謨功名教者蓋

先生所體者道凡弼謨嘉猷訓飭有位損益文憲及兵刑禮樂
前史後紀 寶冊鴻文簪筆之臣彬彬美盛莫不倚先生折衷
潤色裁定而後 上之 皇上上嘉焉乃 頒布中外或藏之

祕府此文學之要太先生教之於昔太夫人教之於今日者
也若夫先生與諸昆忠誠動於鄉里孝友洽於家庭而取與一
介必嚴先生自奉甚約疏素不厭刻厲彌深平居終日如對神
明閨門之內肅若朝廷自牧之道飲人以和狡僞者獻其誠暴
慢者致其恭見者躁心靜隘心融雖剛清蹇諤而道德之容未
嘗不藹如也此立德之固誠中之形太先生教之於昔太夫人

教之於今日者也噫太夫人眞壽矣問何以得此非曲體親心
養其志弗養以口體者耶而孝可知矣太夫人諸孫林立皆英
英鵠起天門君甲戌進士授庶常骨肉太和薰蒸而貢諸膝下
太夫人神志康悅耳目聰明詩不云乎且以喜樂且以永日層
蘭之玩拱爲大椿固不假菖荅以引年也古賢母有反鮒示警
擊金魚示戒以逆相成者尙馨千禧況太夫人懿行純美貽範
令子流澤永承壽以身壽以德壽以名兼壽於天下期頤不於
此歟噫太夫人眞壽矣吾母再七年可幸百齡然具體而微
終未若太夫人之榮且大也

大學士合肥李公太夫人八袞壽序

今壬申冬十二月之朔爲 容翁李老先生 太母瞿太老夫
人八袞壽旦適當前十月公膺枚卜參密勿之年母齡子貴一

讀臺金卷十六

三

浙江書局刊

時並耀親心悅豫永福維嘉公卿大夫咸爲詩歌進觴兒童走
卒道路歡呼可謂極人世之榮快遭逢之盛矣公由冢卿入相
予爲卿貳於是銓長諸司思介太夫人而矚其文於予以予與
公比鄰而居予母年亦八十有九時時遣使候太夫人興居知
太夫人福履甚悉爾也予旣唯諸君且詢予曰古人稱壽由千
至萬有之乎曰噫人之壽不過踰百年傳曰期頤稱壽而至萬
千者誣也然則魯頌曰萬有千歲眉壽無害者何也謂名永也
天地間至久遠者獨唯名物莫得而易之用是身脩則名立名
立則親顯今距魯且幾千載而僖公有壽母繹繹不休頌所指
此也夫持祿而養者孝未始不由祿而改戴爵而歡者榮亦可
因爵而移是以君子抗節凜行非以市潔也修詞殖學非以釣
奇也修身永名顯親是圖而已予聞太夫人端慤莊嚴蓋其天

性教子弟諸孫不少假御下多慈平居練裙蔬豆不作貴人態
公時時進綺縠置重肉太夫人輒卻之不以御惟兢兢於慎約
之道以刑家曰凡官所以罕所豎立鮮流音者未有不始於家
人侈大而多欲者也戒之哉公奉教唯謹立朝自翰林至台輔
方廉堅直不能效世俗靡靡媿媿猥瑣之爲而又茫無垠堦雖
滄海猶隘焉公昔佐可農時有公闕權屬僚語子曰某在差獨
公門不可以私享某惕之及晉太宰予叨陪見公巖巖屹屹如
南山當吾前吾不敢忽介操執持毫無瞻徇予私心謂此固與
三光爭明兩儀參大矣朝有正人則人無比德安得早進黃
扉而襄 皇上太平盛治乎今果大拜中外咸欣昔宋以文彥
博富弼同平章事士大夫相與慶於朝仁宗曰古之命相或得
諸夢卜今人情如此豈不賢於夢卜哉公受 命日亦如之太
夫人之名益以彰顯光大引而不息卽千萬年可也於是諸君
矍然曰言壽而至千萬者如此乎予母與太夫人設視同月太
夫人爲朔之八日子母後一日爲朔九日太夫人由此更益二
十年卽滿期稱百歲人矣予母益十年亦百歲而兩老悉強健
康和有啖桃食丹之容兼鶴停鵠峙之狀何其幸歟公在銓時
歸則向太夫人拜予歸亦向老母拜予戲以散衙爲散學曰散
學歸家拜母親笑而升輿天倫樂事同人羨之予得親而事與
公同至於立德之淺深人品之高下文章詞賦之爲一代宗工
則又如銖兩黑白之不相等香漢泥塗之相去懸殊也

封翁張東山公壽序

歲丙子冬爲東山張公六十初度公之長君梅麓登甲戌會榜
列史館請 恩綸遣价從化以壽公館中諸同譜及長安公卿

大夫士咸爲詩歌賡颺以往問序於余弗克辭乃受簡而言曰
夫壽之爲言永也永也者永於其道也又久也久也者久於其
貞也又恆也恆也者恆於其德也又常也常也者常於其一也
仰而觀之天其最永者耳日月星辰繫於上何其久也其他若
彩霞若蒸雲若鳴雷若掣電若雨若露若霧若風則其倏聚而
倏散者也俯而察之地其最恆者耳山嶽河海麗於下又何其
常也其他若飛禽若曠獸若羣葩若異卉若鱗若介若草若木
則其時生而時息者也天以健爲體而以靜爲用靜而不失其
靜則永之至也地以順爲體而以靜爲用靜而不失其動則久
之至也日月星辰以晦爲體而以明爲用明而不失其晦則恆
之至也山嶽河海以高深爲體以流峙爲用流峙而不失其高
深則常之至也人能法天之道而合日月星辰之貞象地之德

讀書齋卷第十八

五

浙江書局刊

卷之五

而契山嶽河海之一則其永也久也恆也常也亦如天如地如
日月如河嶽不必論其形而已具其理非有所謂神仙幻化之
說餐芝食髓之事與西池東木之誕也此卽東山公之所以爲
壽云公爲文獻公後代有顯人少孤太孺人口授經書夜則膏
誦晝則力勤以供菽水紹曲江之學東躬勵行篤志潛修以求
不愧於前人其於六經直探闢奧非徒事咕畢者秉正端方言
動足法爲文力追先輩稟經酌雅其於道也幾矣此卽公法天
之學也隱於迴岐抱道自樂躬耕隴畝時釣於淵間植卉草竇
朋至則爲茗酌霞飲之蔬食飲水澹如也人言及他端則曰不
談風月乃馳意於紛華世故乎此又公能貞之效也太孺人今
年八十日侍甘旨孺人滌器進膳引諸孫繞膝承歡溫容下氣
未嘗稍忤容歲邀 皇仁賜旌公悲喜交至性友愛念弟幼自

任艱辛不忍分勞撫孤姪周至和渥教之列庠序居家未嘗疾言遽色宗族貧者築室以居分產以贍建祠以聚延師以訓又嘗濟人之急多有焚其券者鰥寡無告者振之此公法地之驗也戊子己丑粵東之變公奉母隨機相地以安之此後或平或叛滄海桑田屢遷而公處之最靜不因境而移素性儉約不好紈綺衣履不敝不易常誨家云衛公子見稱於聖人總一苟字人生毋暴殄天物慎當持盈得足卽休用是六十年中詩酒自娛灑然無營致梅麓遊翰苑讀書中祕次明經荷 皇綸被

恩榮當世榮之後世稱之此卽公得一之效也或曰神仙之說誕矣天地日月河嶽之說不更誕乎曰非誕也理也以形論則人何敢與天地日月河嶽比以理論則人亦天地也何有於日月河嶽天地具崇卑之象人具健順之懿日月具明晦之形人

讀書齋錄第十六

六

浙江書局刊

具貞明之體河嶽分流峙之殊人具高深之理斯其永也久也恆也常也與天地一日月一河嶽一故曰天地之道恆久而不已也人之道亦恆久而不已也日月河嶽可知已建陽之月公次郎捧 誥敕具貂冠鳳飾奉采章霞帔偕子婦諸孫升堂跪拜行禮又合內外戚屬及鄉之人稱觴以子之言申祝焉太孺人慶公喜孺人喜由此而期頤而加 封至台轉至奕葉非倖也從來食福必歸積善之家自古永年首重修身之士理則然也

盧進士子陽父母雙壽序

歲癸酉吾鄉石屏辛未榜子陽盧君奉部檄來謁選於 京師當夏之六月值其尊人濟三公並母后雙壽同鄉之邸寓者偕慶之予踵其後見子陽咨咨悃悃有望雲之思焉曰吾年未強

仕何以急急於取選爲哉使子在滕斯時躋堂稱觥若越烏呼
林代馬舞風吾快之吾父母亦神悅情暢雖膺黃金印如斗大
不易矣吾安得乘長風而奮飛哉公聞貽書誡曰郎今念吾二
人越在萬里而不得壽毋亦謂侍几席者情相屬違萬里者神
相睽乎夫父子者同氣而殊息者也析之不斷遠之不隔夫下
有茯苓上有兔絲二物不相連然觀兔絲者以爲茯苓其本也
鐵石不同質而磁石則引鐵蚌與月邈而盈虧乃應月何者情
通氣孚而勢弗能格也今吾子恢志意樹勳庸外之官親民則
甯民官帥屬則表屬內之官百秩則勉秩官公輔則光輔總期
於無忝所生揚先烈振家聲焉固吾二人神所注情所鍾也能
之而神悅情暢矣不能則神困情悒矣且仕宦之道與農賈引
夫農春舍於郊秋荷擔而入以困倉爲務者也賈子逐利於數

讀書卷第十六

七

浙江書局刊

七

千里外賈巴蜀則以錦歸賈荆揚則以金歸以篋笥爲務者也
儒者辭親而事職齋躬而致主困倉倒不爲羞篋笥空不爲屈
以修身砥行風清愼怙克勤爲務者也故農之翁媪喜穀賈之
翁媪喜貨儒人之翁媪喜修爲揚名而顯親子其勛之子陽奉
其言遂罷歸念閱今年甲戌夏第南望再頓首申所爲壽者先
持公書請予序且道厥生平及家世子賢之賀曰是父是子因
遂悉公爲人云公天性孝友少孤母守節四十餘載極孺慕及
沒哀毀盡禮痛父早背時時視丘壠攀墓木號泣孜孜爲善忠
厚謙和居里閭不爲苟同不爲特異里中父老當俗節有所舉
或奉佛導善公從之至約入公府白事則不往曰官家自有法
禁何用下干上家畜稍羸卽以振宗恤匱凡世所謂華豔靡曼
之好公咸弗重配孺人設悅其月爲明經后公諱來蘇女事姑

孝教子嚴儉以持家勤以相夫子與公同德此卽稱傾廈之源
永年之象也子觀令嗣少年力學刻意攻苦及擢巍科成進士
恂恂然退若不勝言規而行矩至于論斷古今明習吏事雖老
成人弗能過之則公與孺人之教可知已公與孺人年甫半百
由此而躋百歲尙有五十年方可進瀛海之歌爲瑤池之祝而
今尙非其時也姑序之

楊瑞菴父母雙壽詩序

乾稱父坤稱母乾動也專靜也直是以大生焉坤靜也翕動也
闢是以廣生焉是乾坤以兩而能生且能永於無窮也六子一
索再索三索各以兩而合斯生生斯永矣晝夜以兩而互運
日月以兩而遞明維鳳與鸞棲于高岡此唱彼和離離啾啾當
岐山之陽鳴國家之盛是物以兩而成瑞者也瀛海之間有大

讀臺龔卷第一

八

浙江書局刊

卷一

椿焉三千年而爲春三千年而爲秋水浩浩兮波瀾瀾仙人下
兮光陸離其最異也南山之阿有萱草焉處北堂而忘憂采東
隅而宜男比叢桂之秀二媿金芝而爲五是物又以兩而鍾靈
者也述稽往册文王之聖太姒之賢紀稱多男百歲而康武王
周公聖而生聖康叔曹叔賢以繼賢何其著也高士龐德挈家
而隱辭劉表見智識武侯知明卒也襄陽耆舊無存鹿門妻子
無恙何其偉也是人亦以兩而彰顯也此卽楊瑞菴太翁太孺
人雙壽之說也翁號岫萊石屏庠友壽七十三母湯壽七十二
初年山寇亂厯艱苦後且讀且耕且織稍稍稱足翁生平嗜學
性直行方母端嚴舉丈夫子二楫府廩生禎卽瑞庵舉孝廉諸
孫玉立皆恂恂兩老喜焉瑞菴謁選于京師授清鎮令將之
任遣僕而壽之家請予文並徵長安公卿大夫詩歌爲製錦夫

璞玉弗剖玉人之蔽也嘉善弗揚友朋之咎也故愛之言溫憎之言厲美之言繁刺之言微君子觀之爲愛爲憎爲美爲刺寧擷風謠表彰幽隱詞何可少哉今勿論騷人貴客識與不識咸爲根愛標美曰大人百年太母百年否否不已而聲之溫如擊玉繁如禩絃眾賡旣集君子始文故諸君子之有詩非諸君子之私也壽易也雙難也鴻篇廓此者也短韻約此者也浩曲演此者也頌言詠此者也予故樂爲序之而並附詩於其末曰龐德無聞子梁鴻祇令妻何如萊玉叟茲事總能齊鶴島形雙老亮洲影並棲獨教黃綬子日夕望雲迷

傅禹山太翁太母雙壽序

雙壽者齊也世稱偕老曰齊眉又曰物忌雙美言難齊也吾欲以人世難齊者而齊之非惟不能亦理與勢有所不可干古以來惟虞舜一人既有其大德矣乃有其位有其位矣兼有其名與祿與壽似乎齊矣至於父頑母嚚則又不得謂之齊孔子大

讀臺彙卷第十六

九

浙江書局刊

〇七五

聖不聞得親而事曾子大賢孝止及曾皙龐德有令妻矣未聞有令子梁孟有同德矣未聞有同壽此可見人生有不齊之遭而欲一之以至齊之遇斷斷必無者也以人世至不齊之遇而吾能貞之以至一之德此則有可必者然可必之己而未可必之人即可必之人未可即能必之偕老之人與奉老之子所以難也且世人所最豔稱者仙耳仙耳吾未見安期王喬之倫偕偶而仙並嗣而仙也此人世不齊之事不惟聖賢難之卽神仙且難之也且吾聞傅禹山一庭則無難何也太翁玉環公年七十有三母宋年六十有六吾見其壽齊矣翁孝友夙著好善樂施母素嫻內則克勤克儉吾又見其德齊矣教子登賢書筮仕

涇合孫枝玉樹繞於階庭吾見其子若孫齊矣兩老華髮身其
康強出恭入敬如主如賓吾又見其福齊矣夫福齊壽齊子孫
齊而本於德齊乎何以處夫古聖昔賢之道全德備而不得齊
者謂福齊壽齊子孫齊而不本於德齊乎則天下不肖之徒不
順之婦而妄希福澤壽考又理之所必無者也然則孔子尊富
享保之論仍歸之大德必得之舜吾師法孔子者也安能外德
而別言茫茫不可知之天與神仙之說乎翁與母之壽齊也吾
曰德齊也翁與母之福齊也吾亦曰德齊也翁與母之子若孫
齊也吾皆曰德齊也禹山學贍而才將之任求文故序之

段大紳廣文父母雙壽序

傳曰乾天也故稱乎父坤地也故稱乎母又曰人生父天母地
則是有乾必有坤有天必有地有父必有母可知也父母偕老

壽臺叢卷第十六

十

浙江書局刊

卷十六

謂之具慶此人生不可倖之遭而自古及今罕能兼之福也謂
有幸有不幸歟何以幸者得而不幸者失或又得者半而失者
半也此不可解一也謂偶然歟何以千百人而求二三或難之
或二三人而能連類及之又何也此不可解又一也謂盡由於
天歟是天豈厚於此而獨薄於彼也天不若是其偏私也此不
可解者又一也謂咸本於德歟何以德至聖人大賢而鮮能齊
往往山澤之民柏堂並至期頤者有之此又何也此不可解者
又一也若吾親家普甯段太翁心一公太母李孺人椿榮萱茂
並逾古稀而耄耋而百年總無難何也此幸歟吾不謂然此偶
然歟吾亦不謂然此天歟太空冥冥不可得而窺測此德歟吾
疑之疑之者何也德眾而壽寡也吾信之信之者何也德備而
壽有可券也吾又疑之又疑者何也疑其壽可券而雙壽未可

券也吾又信之又信者何也信其太翁與孺人既壽且雙壽有足據也翁與孺人孝同慈愛同好善同儉德同翁遊膠庠好古而淵博孺人通書史是其學又同翁祖犀亭公前明嘉靖己酉登賢書仕澠池有聲孺人父李名似訴食廩餼以明經貢是其家世又同子名縉甲子孝廉任開化教有文名來應丁丑會試於京師雖未第而將來橫六翮不可限量也偕諸同譜詣予以兩尊人雙壽序請予問諸同譜歸何以壽乎曰歸時春酒既苾合燕稱觴歌舞在庭恢恢天壤爲昆海之歌曰瀛瀛水兮浩瀾瀾仙人下兮光陸離駕黃鵠兮赤虬導翠羽兮朱旗貝闕兮瓊閣瑤草兮金芝千年共兮一日坐扶桑兮猶夸又爲太華之歌曰有蠹者山廓而寥兮鳥飛不度言薄崇霄兮蜿蜒盤礴屹不可搖兮君子有屋勢相朝兮吸露餐霞匹木公與金母兮爲叢桂之歌曰有桂有桂兮當戶君子有酒兮堂上歡歌以舞爛品英兮成三秀虬枝兮惟五薦芳兮宜風含光兮帶雨子如蘭苗兮雲衢孫如鶯發兮月宇子曰昆海崇虛太華述誕叢桂可期子孔子徒也知中庸而已諸歌既闋亂以八言曰天之生物載培傾覆無殊貴賤於理則有大德必得位祿名壽乾父坤母同其悠久一座笑謝

壽泰復陳太翁八表序

寰宇中最壽者乾耳坤耳附於天者日月耳星辰耳麗於地者山嶽耳河海耳夫乾坤何以壽也易曰乾健也坤順也又曰乾確然示人易也坤隤然示人簡也健順之體具易簡之理得此乾坤之所以能壽而有永也附於天麗於地者可由是而類推已其他如草木禾喬之屬鳥獸飛走之倫時消時長於蓋載之

中或生或息於氣化之內生生不窮孕育不息不窮卽壽不息亦永也人生其間具健順之體得易簡之道上壽數百中壽百次八十下六十不爲夭所以然者何亦曰健也順也易也簡也夫此健順易簡人人全備非截然二物分陰分陽也陰陽其實一陰一陽者其道也吾將以泰復陳太翁徵之翁名起元昆明庠友食廩餼力學負大志奈數奇屢躓場屋配劉氏舉丈夫子長印甲廩生次印瑞太學生瑞生時夏翁年三十九劉卒持義不娶亦不復事科目日課諸孫暇則飲酒賦詩陶然自樂不知老之將至也今年八十有五時夏以明經來應中翰試於

京未果旋請予一言以往及春明而壽之家夫腴土豐穀廣淵長鮪年企耄臺蓋其生於啟禎前耶猶是涓龐之際民未習兵之候也君子於此觀世焉易稱視履書載祥善言天人之會也

讀臺叢書第八

主

浙江書局刊

卷之三

百歲安康非栽之培之歟君子於此覘感焉昔王氏以二郎昌闕竇翁以五桂起譽茲翁子如篤發孫如蘭茁爲無憂者非耶是故志暢者神適精凝者形固是非有得於易簡之理備健順之道者不能君子於此察養焉若夫聰明智術之士盛年茂才之流以樹聲易也享遐福膺壽考則不可倖邀翁於世所謂華豔靡曼之好悉屏勿前方士家服砂辟穀鍊形益氣之事皆卻而弗好曰鶴頸固長鳧頸固短天所定也奈之何欲以人勝天乎佛之徒獻輪迴說言各如所報翁卽隨俗炙香聽偈不過聊以警澆俗醒匪類而覺愚迷非果自依禪也最自信者惟在布恩厚施賑孤恤匱進不能而憫不及教子訓孫以爲如是則庶幾哉稱積慶之源續命之縷也他無求焉且少負文采每一撰出輒聲振膠庠今老矣猶操觚揮毫不減曩日讀其詞尙蒼蒼

炯炯千萬人可廢期頤何難乎此健之徵順之理也易之能簡之要也欲知乾坤當觀泰復

俞大翁壽圖序

公今年七十有一矣公之子汝諧字允恭負大志性至孝以文章德行爲滇多士冠予其久交也時予宰金容每憶允恭未獲大振翮羽儀當世今以明經科鄉貢之禮曹禮曹貢之天子召對數萬言縷縷悉宗社遠猷國本重計天子可之一時震京師名重公卿間以資格故未卽大用杖策南旋復過予促膝談舊因敘及當年登公之堂作竹枝詞載尊酒於堂上爲公壽時公之鄉閭諸君亦相率爲詩歌爲公壽俾予冠以文未果也公之子若孫肅然衣冠階立咸篤於道恂恂寡過公無悔恨公之教也公以西浙名家世屢顯寓居於滇身遠利祿而勤於德

讀臺龔卷第八

七

浙江書局刊

望之粹然溫良藹然樂易卽之又毅然而立惕然而莊也以是人咸悅公之和而式公之正值今初度鄉黨肖其像再爲公壽焉相與拜跪成禮公頷之予越在萬里外未得睹其盛何日重上公之堂作曲千首每遇斯農載歌而觴觴而醉醉而起舞同允恭隨杖履飄然遺世獨立而樂天命焉豈非至快至快者歟

壽哲菴雷君序

今天下稱治安極矣東西朔南暨海隅日出之表罔不率俾奉贄來王以故中外順軌八表雍熙儀文章度之美縉紳毗庶之儔彬彬焉化洽鴻流矣皇上顧獨前慮先憂安不忘危材官選士冬狩春蒐綏厥武烈篤我淳人凡大帥偏裨缺人本兵以名上雖數千里外必召入陛見親閱其騎射詢其要害情形若力不能挽疆材不能絕眾口不能指陳方略則未用之是以

文武兩途 制科並重吾鄉武舉震遠陳君與諸同舉來應今年武會於 京師請曰父益道及予小子受恩舊矣父爲大梁守戎不幸弃予小子萬里來奔得負父骸還鄉者父友今任武昌遊擊哲菴名士俊雷公之力也更憐小子幼孤無倚爲擇配延師教育不異所生返躬思報則無由明春乃其初度得先生一言以報德足矣余因憶哲菴君曩在部候推時寓於滇之會館曾見之其狀貌魁傑負材卓犖儻非常爲楚澧州人力能挽六鈞弓與客較射更十數耦矢連百發不少倦與之語兵略論形勢猶之泉涌桴答百折不窮聞其方童齠時卽善馳騁彈射之技常引弓出野飛鳶走兔弗敢過其前斯固天之所建非人能也余私語人曰夫騏驥伏櫪則千里之能隱矣鳳凰在笈則九仞之覽絕矣劍神物也匿之匣中則悲鳴其精具其光完

讀書臺卷第六

四

浙江書局刊

時閃閃映於斗牛之間如雷君之才氣膽識令其杖鉞登壇韓白衛霍之業豈足道哉後得補今官以軍功加都督食一品俸值承平無事綏帶輕裘循故事供職守不得策勳於疆場垂名於竹帛恆抑抑焉使其遇大敵必不愛其身乃頤養而至白首吾知非君志也然天之佑人國也必生賢者以匡襄之其賢者必壽必康蓋壽則久久則練世康則定定則慮精桃李之華不踰時苑園之觀也榷柁長於深山歷千載而始材 廟堂所需也君固必享遐福哉吾尤重其急友撫孤一節故樂爲序之

潘明揚明經七十壽序

丙子清和爲子老友明揚潘君七十初度徵之人士欲觴之萬里馳書來請序於余以予與明揚交之久而知之深也予惟諸君之意豈非欲祝之爲耄爲蠹且百且千且仙乎予蓋於長年

之道竊不敢謂然而神仙之說尤吾所甚懼何也人之生憂患多而安樂少也堯曰咨舜曰傲禹三過其門而不入湯誥曰慄慄危懼若將隕於深淵無逸曰自朝至於日中昃不遑暇食孔子汲汲遑遑席不暇煖孟子曰天將降大任於是人也必先苦其心志勞其筋骨餓其體膚空乏其身行拂亂其所爲若曾子曰戰戰兢兢如臨深淵如履薄冰而今而後吾知免夫夫人生至今日而始免可知前日皆天下之勞人也皆天下之憂患場中最苦極憊之人也果至今日而免矣此何異登仙昇天上游十洲三島徜徉快樂脫火宅塵途而超然於逍遙之神境乎然而又爲吾所甚懼者何也以老去渾化無知乃眞神仙也若神仙則知覺倍靈天上下事仙皆知之豈有遂忘於吾生平之苦之勞乎前千古後萬年仙皆知之豈有於吾現前之子若孫

讀臺叢卷第八

五

浙江書局刊

奕世之子若孫之勞之苦不見不聞乎禹稷溺曰己溺饑曰己饑天下後世生民之水火兵戈刑獄疾痛饑饉顛危不知之乎知之而履之則神仙依然一憂患之人也何樂之有乎安能似老去而渾忘之爲得也況天體至動不可居虛空無著不可遊十洲三島至幻不可到血肉之驅不可飛人一日不食則饑啖丹食桃服氣凝元則甚妄且人與人接物與物交父母妻子兄弟兒童奴僕夢夢焉熙熙焉菽粟布帛相生相養貧賤而希富貴富貴而希壽考此日而忘昨日今年而冀來年優焉游焉不知老之將至故歲月可銷也使人人而仙人人而前知則一生之升沈顯晦得失榮枯先知矣心安得甯乎又使人人而飛步遊空能行劍術則人人自危天下何以長治久安乎造物之道在不令人仙不令人與知與能此其所以爲妙也更念離人境

絕飲食山中寂寞不可居日月長久不易度何罪乎而僂也此則吾之所大懼者也至於長年在上世其風沕穆其民醇醇無以撻之是以人皆百有餘歲而厥體強健耳目聰明而神不衰斯足樂也近世智故既深七情薰炙所以戕之者眾故未七十而形衰齒落耳塞目昏雞皮鶴髮倦怠呻吟有生人之苦而鮮生人之趣此又吾之所甚不敢謂然者也惜乎此可爲達者道難與俗人言也明揚學聖人之道雖朝乾夕惕而不怨不尤修身寡過而時歌時詠敏於事慎於言安飽無求有樂道之休焉喜不過怒不形有溫溫恭人之度焉教授生徒沂水春風子天錫又能讀父書如是不仙而僂可也百歲可也耄耋可也卽三十四十五十無不可也乃眞壽也

壽瓊液段親翁六十序

讀臺叢卷第十

夫

浙江書局刊

431

晉甯段氏治春秋每鄉試必錄故科第稱段爲最盛云瓊液公先尊人某公以經魁顯當明末掌選事清通尤著丈夫子長曰瓊液諱紳次曰瑞液諱緹天性孝友資稟絕倫文章德行難弟難兄以滇多故晉罹寇氛尤烈室廬盡毀昆仲就婚於澂因移家寓焉屢蹟文場用明經貢瑞液公秉鐸鄧川瓊液公里居其令嗣薰斯君諱如蕙亦以明經司訓安甯由卓異陞嘉定州判黔撫疏畢節需才題請揀選上特簡如蕙往治有聲迺翁之教也畢原設衛新改縣苗多漢少夙稱難治薰斯一撫之以誠惠愛愷惻如慈母之抱嬰兒欲與聚惡勿施苗雖頑而終格與漢人同一歌恩呼曰仁侯則仁之道得也公世忠厚刑家一遵古禮衡門樂道寡過脩身甯甘貧而守困弗背義而或馳愷悌慈祥樂善好施拯人之厄濟人之饑而尤急於族黨公之自

植於身者厚矣又能教子爲廉吏有神明父母之頌孰非自仁
中來歟曩吾母爲予擇壻公爲薰斯求婚於予請於母母曰父
有令德其子必昌可允之今果爾爾薰斯自畢節不憚數千里
遣人持緘請曰家大人今年壽六十有二小子在官弗獲壽之
家知小子父者無如大人願乞一言以往俾兄及弟姪輩觴焉
子謂南山之祝東海之歌瑤池之誕漆園之誣舉不足以觴公
也余將稽諸理焉孔子曰仁者壽又曰有大德者必得其壽公
能仁其身矣且仁其家子能仁其邑矣因之仁其國與天下何
可量歟仁其身則身壽仁其家則家壽仁其邑則邑壽仁其國
與天下則天下壽聖言之效也持斯以往春酒旣茲升歌在堂
華筵秩秩壽且永康此爲公壽必有合於懿好之公而謂予以
姻故有私也吾知其免矣

臺臺卷第六

七

浙江書局刊

明經梁元善先生百歲壽序

予垂髫卽識有擅文名之梁元善先生云先生名大仁爲吾滇
陽宗錦標營人幼以文章著試輒高等屢躋鎖闈明季選士首
拔筮仕普安州牧旋掛冠歸鍵關下帷硯爲之穿几案足櫬皆
磨陷數寸今年幾百矣體尙修偉而豐齒全髮黑燈下猶能書
蠅頭細楷三子九孫兵燹後家貧窘先生怡然讀書賦詩如故
先生殆神人也絕不講於神仙服氣食丹之事予門人楊兆熊
自先生側至都而述於予吾因之而有感矣夫祿位名壽四者
必有聖人之德而又居天子之位功德及於生民休聲揚於奕
世乃克全之下此則得祿者未必得壽得壽者未必得祿位與
名猶之子之翼者兩其足與之角者短其喙此陰陽消長之理
造物盈虛之數也卽徵之人事亦莫不然或坐於朝堂佐天子

出政令黷黷皇猷而措天下於泰山之安在外則樹旗旄羅弓矢武夫前呵觀者塞途顧盼而雨露濡叱咤而風雲變豐功盛烈銘彝鼎而被管絃如昌黎所云者喜可知也然喜則氣揚氣揚則耗壽難言矣若夫不得志於時者幽棲衡門行吟澤畔恆鬱鬱而誰語長貧賤以終身墨子悲絲阮籍途窮憂可知也憂則氣抑抑則銷壽難言矣至於陶朱猗頓之富家累鉅萬石氏以錦幘著郭況以金穴名列鼎乃進食選聲而垂聽燕姬侍側趙女舞前以視夫蔬食不充室人交謫者爲何如也然金多則須心計計多則思慮不清壽又難言矣貧者室鮮擔石之儲家無越宿之計陳無已之凍餓范萊陽之塵釜或乞食於道路或飯牛而扣歌司馬長卿切訾於卓氏東方生割肉於細君牛菽不飽糶糶無依若此則氣餒餒則穀氣鮮少而血亦不滋壽更難言矣復有安樂之家飄輕裾翳長袖粉白黛綠者列屋而間居曲眉豐頰清聲而便體秀外而惠中乘堅策肥翾翔四方升高而望遠臨流以快娛起居無時惟適之安此則氣過暢暢則神去舍而精亦減壽難言矣憂患者勞其筋骨餓其體膚空乏其身行拂亂其所爲又強凌弱眾暴寡利以相傾勢以相軋憂虞悔吝以相乘兵刑疾病以相侵讒口交構戚戚茲生此則氣滯滯則神不舒而天君不泰壽亦難言矣先生不然先生學孔子者也先生不富富必好禮貧而能樂者也先生不貴貴則善下賤則坦而蕩蕩者也先生鮮安樂安樂則必知損戒盈處憂患則內本文明睥面盎背者也且先生長於天末遐荒山林巖谷又讀書而嗜古似與太初之民接神智俱清而機變不識辟之千壽之木生於萬山之中雨露之所及風雷之所堅凝非如

道傍之植爲行人之所折車馬之所殘故壽也又南山有文豹
焉屯深霧以爲隱飲清流而自若倘行遊城郭郊原犬斯吠之
獵人關弓而射之矣又如金之在鑛凝剛韜彩稱寶焉及冶而
製爲尊壘爲釵鈿尙可言壽乎玉之在璞含光斂潤稱貴焉及
剖而琢爲蟠龍爲刻鳳又可言壽乎然則先生解組潛乎達生
周乎鹿門乎浮丘乎之璠池而食桃李駕黃鵠而游天乎皆非
也先生蓋好道足樂者也嗟乎變詐者伐身之斧也忤害者滅
性之波也陰詭者促生之祟也嗜欲者燠命之火也由斯而再
十年而鬢蒼再十年而髮白又十年而目就昏再十年而聽乃
重又十年而步履漸艱其百五十年之外乎予母今年九十有
七再三年可百歲馴至百二十未之或知也然予叨祿養先生
澹泊自甘朝夕不相謀吾駭之天乎天乎旣予先生以壽矣再
子先生以委與與而稷翼翼不可乎此其故予則不能解者也

任悅修七十壽序

讀臺全集卷第十六

充

浙江書局刊

卷十六

康熙丙子小春爲悅修公七十之誕令嗣洵登是科賢書計偕
至京師以公壽文請且呈其家世始知爲敬惟公孫也予童
時讀敬惟公諱熙乙酉鄉試元墨繼又讀尊人諱允懷號悅修
公丁酉鄉墨今又讀洵號吉菴丙子鄉墨因以羨吾鄉昆明任
氏家學淵源而文章科第之盛後承前踵相接也可不謂榮歟
又讀家傳敬惟公仕都勻太守尋告歸己亥大兵平滇潰兵紛
擾挈家避於昆池之羅母山時遠近婦女悉被掠幼女小姑恐
玷自縊賊勢愈猖長媳薛氏次媳瞿氏次趙氏次女丁門任氏
孫女大妹婢玉書老婢楊嫗同死於漂澤河中鄉人鑿河石壁
曰任氏一門八口盡節處又何其苦歟悅修公康熙五年授壽

旬府教授後值吳逆叛不出二十年復授楚雄府教授先後造
士最盛尋乞休子三長瀚增生次沈廩生次卽洵晚年課諸子
讀書日以詩酒自娛不履公庭著有草堂集貌古神清略無衰
老之狀又何其樂歟夫富貴壽三者天地龐厚之氣之所積也
其來也恆參差而不齊而人之值之也雖一家之中父子兄弟
之親血脈氣息之相屬可以言語教誡而同者而惟是三者爲
不可期此造化之微倏忽遷徙以此鼓舞人世而世廼以有心
者窺之憧憧焉疑其既往而意其方來也予之所未喻也公稀
年而神爽瑩射矯矯如鵠人以爲有異術予獨不然屈平顛顛
殷浩書空此皆佛鬱在臆卽習爲大還不能澤其貌也惟翁脫
棄榮名等之飄瓦四肢百骸卷爲已有固所謂戰勝而肥者不
可謂不富且貴獨是合室盡節不無所悲然節者榮名當亂而
年昌厥後方興未有艾也

龔臺龔卷第六

三

浙江書局刊

以三

婦人能全此榮名者快事益以見敬惟公修身教家之善因而
致百世流馨之美也語曰善種者必發善賈者必售天之永遐

河陽趙士麟玉峰父著

受業陳時泰輯

男 宸黼編

卷十九

壽序 十一首

林壽俞允恭明經八十序

昆明俞允恭予諸生時好友也夙學負才屢躋鎖闥己酉子宰容城允恭以明經北上廷試旋走金容以太翁壽文為請子序之歸未幾吳逆叛滇阻不通音問者十餘載及蕩平允恭合室無恙獨其尊人仙逝矣又數年允恭目就昏艱於步履惟兀坐反觀賢即成立稱孝謹勿憂薪水予聞而慰之今望八矣走

讀書臺全集卷十九

一

新刊書局刊

函索子序予何可辭吾為觀諸理焉為稽諸行焉夫壽必有道非瑤池漆園之誣也壽必有本非南山滄海之祝也壽必有仁非駕鶴驂鸞之誕也壽必有養非服氣延年之謬也道以言乎其法也君子修身非先王之法服不敢服非先王之法言不敢言非先王之德行不敢行言則欲其謹也行則欲其慎也又非一於謹也慎也言當其可雖言滿天下無口過行當其則雖行滿天下無疇行言行交修壽之道也本以言乎其德也凡木有根有委扶疎者非本培養灌溉者其本也凡水有源有流衍溢者非本淳泓靜深者其本也窮源覓根是以君子貴樹德也壽之本也仁以言乎其愛也博愛非仁也親親而仁民仁民而愛物一本同氣恩誼宜篤則親親為重欲立欲達痼癩乃身則仁民為次鈞而不綱弋不射宿方春始和不宜損折則愛物為要

仁道也仁者壽孔子言之矣養以言乎其優也養心莫善於寡欲養氣莫貴於集義欲寡則靜虛而動直天下之物不足以撓其志慮而撼其神明義集則守約而慊心浩然之氣足以塞天地而千萬人吾往養之善也養則自壽斷斷必矣吾觀允恭一有焉其生平慎密口無妄言身無妄行有言必踐有行必謹寡尤寡悔砥礪束躬匪朝伊夕矣至於光明洞達仁義素著植德強固絕不浮夸淵涵而有本也若夫孝友性成其事親也視於無形聽於無聲其友愛也篤而又樂善不倦振孤恤匱人之飢猶已飢人之溺猶已溺也且也天人性命之理無不通古今治亂之故無不悉詩書禮樂之旨無不精用舍行藏之道無不決而又賦性溫恭直養無害其處己也謙其待人也厚卒然臨之而不驚無故加之而不怒非養曷克臻此允恭諸美備矣由是而耄耋而期頤何可量哉吾蓋觀諸理稽諸事而言之且於其道於其本於其仁於其養而決之也

壽生字李太翁八十序

吾徵佳士李子悅心少以文學著補弟子員兼善馳騁彈射之藝一日翻然曰夫士挾凋儻非常之才事筆劖雕蟲之技竄伏巖穴白首窮經浪浪脈脈者何限也韓白衛霍仗鉞登壇策勳萬里之外垂名竹帛之閒不亦燁燁輝輝哉乃之武闈舉鄉試第一走京師成進士謁予再拜曰小子父明年八十老矣急欲歸而壽請先生一言爲重必色喜有加曰吾未識翁面君其爲我言乎日啖丹服氣所以致此之道可乎曰否否小子父筋力強固血氣盜溢其神灼灼其骨屹屹參苓芪朮不以餌石髓仙芝不以得似秉於天者然性耽澹泊蚤作夜眠敦樸若愚退

默若儒浮華意氣無所逞鼎烹麗色無所御又似充於養者然且寬和不刻憫人不能振孤恤匱樂善好施安期王喬未嘗問南山瀛海未嘗聞似優於德者然子聽而聳然曰孝哉李子善言父哉夫壽者受也謂其受於天者完也壽者優也謂其養於身者素也又壽者厚也謂其修於躬者貴不薄也上古之世其風穆穆其俗醜龐其民渾樸無聲華靡麗以相高文章技能以相聘名爵勢利以相軋黨同伐異以相傾憂虞悔吝以相煎是以人壽皆百歲以上近世則不然往往自爲減損蓋志暢者神適精凝者形固腴土豐穀深淵長鮪理固然爾辟之載重寶絕廣洋非長艦巨楫何幸乎故任重視力思永視養持于三說以往欲耄則耄欲耄則耄欲期頤則竟期頤矣此其道自我操之而非人之所能與天之所能制也甯止壽一身哉雖舉斯世而盡登仁壽無不可也

壽君賜游公六十序

讀臺金卷第十九

三

浙江書局刊

卷上

今年辛未天下貢武士於京師維九月實當會試吾溟之公車至者謁余請曰同譜中游君晉侯尊人君翁六十初度適當壬申之端月元日眾歸擬爲春觴之祝請先生文之曰夫余安能文乎古之文至馬遷絕矣其論賢人既尚孝謹而又重材能其記國士旣右急難而又貴慎圖其言反覆沈洋莫得其端而其指卒歸之勸誡令睹者各以其似鑿然懼而自失勵而益進乃所謂文也余則安能眾囑詩曰余憶曩從溟鄉來今二十年餘矣猶記越牂牁貴筑沅濱徼外俯危巒馳峻坂望巖際老松古栢蓋數十章高者千尋大者十圍問之山人則乃處幽生窅樵斧不及以故率性任長窳窳麗麗也君等今至亦覩之乎曰有

之曰公居遐荒皆能自適其天無傷於性故厥壽同永也嗟乎
變詐者伐生之斧也枝害者滅性之波也陰詭者促歸之祟也
嗜欲者燬命之火也近世以來物情非古右巧詐鄙長厚見勢
思傾見利思奪陰行不軌而節容誣善者不可勝數也又魏鶴
重祿賢者欲遂其志之思也然福種而禍伏慶至而弔隨人之
沈溺其閒者或醉而思醒寐而長吁因之泄越精神卑減年數
往往而是是豈造物者特於貴人厚其所受而薄其所享亦貴
人自促之耳卽如商之四皓華之希彜彼其視富貴等浮煙耳
故世人莫究其年司命不制其算也余雖未識公今多君稱公
恂恂里黨平心與物冲和樂易教子課孫守身如不及未嘗嫉
人之有而又好施濟物務在處善樂天無苦於志六十年中如
一日也吁若此則今日特壽之始基耳由此而躋于耄也期頤
也洵自致哉凡我同黨用鑒戒之

望臺全集卷第十九

四

世江書局刊

李廷尊太翁壽序

吾鄉鶴慶之劔川武舉祥麟李君來應辛未會試於京父廷
尊時年七十有六臨發曰吾康嘉汝此行入彀上也否可就部
效勞例求一命以歸勿忽祥麟奉教唯謹閱四載試冠軍謁予
請曰小子父春秋今八十高矣擬急旋而壽之家求先生一言
以往梓里之榮也子稽人生五十曰艾六十曰耆七十曰老八
十九曰耄百歲曰頤夫人生而至耄豈易言哉當在襁褓無
識無知能自樂其天及就外傅日有課夜有讀惰有責卽不能
如飲乳時哢笑在抱矣旣冠則有成人之道及婚配琴瑟調則
宜家不調則否生子女爲人父漸累及身矣苟幸具慶當代勞
否則卽承家官司之徵求戶口之繇役人事之酬酢食指之繁

簡以至旱澇饑饉之洊臻兵戈刑威之荼毒嗚呼饑號寒之艱難
男婚女嫁之窘迫又或權勢豪家侵凌以相軋機械變詐萬態
以顛倒百憂百感畢集以摧肝水熱火烈薰灼以煎耐迨五十
而骨已銷形已委力全竭而厭人事久已無人生之樂尙安計
及此生之有成與無成耶況至六十七十八十卽易得豈易度
哉雖然至七十八十亦有苟幸者目昏則鮮視耳聾則寡聞顏
衰則人怨齒落則無爭猶之襁褓時無識無知能樂其天焉可
知生人在赤一樂當耄又一樂兩景之外爲歡無多可慨也夫
可慨也夫翁則不然生平坦白爲哀樂善靡倦得失不以櫻其
心欣戚不以入其慮貧富不以易其操威武不以屈其志常勤
常儉而自足草衣木食而無求施濟爲事怨尤兩忘而又明於
陰陽消長之理爲人示吉精於寒燠醫藥之方爲人起疴好修
補以利物能親賢以教子遂有賢子孫克恭克孝承先啟後以
聚慶以悅翁翁有喜無愠善飯健步履由此而百年吾知其馴
至也然後知曰耆曰耄曰耄日期頤此自致之道而非天之所
以與人也

壽于母王太孺人序

王太孺人者內閣中翰章雲于先生之母也先生曩爲兒

宸黼

受業師故年雖少余家恆稱曰先生云先生爲余通家世好舊

矣余母年九十迎養在邸以是嘉辰令節先生咸登堂拜余母

余母亦時出余不腆之供以饌先生先生對之每慙惻在容不

爲悅叩之乃吟吟咨曰吾母年七十留家二千里外以吾秩微

俸薄慮薪水弗繼弗肯遠隨宦所茲見公脩洗奉甘周旋大夫

人膝下煦煦然不啻嬰兒之在抱天倫之樂如是而近夏乃母

設悅辰吾在官無得壽之家是以側也余曰有是哉先生卽若而言則扇枕者是而叱馭者否矣則舞斑者是而斷裾者否矣夫孝權細大無論違依吾將舉其能子而大者有四焉位上台參密勿作股肱心膂終日乾乾則樹大之子也受國委任奔走禦侮解難批紛不遑恤家則奉公之子也操筆割出入承明辯博文麗黼黻天家則懷奇之子也言中儀的國論臚之人主聽之不倚而立則鯁骨之子也此四子者不奉親側不省朝夕立朝事職乃皆成斯之名名成而親顯矣彼之扇枕舞斑者何眇小也先生才雄學贍淵達宏通習識當世之故思以建豎非常今列身鳳凰池絲綸重地所以懷奇而奉公者也由斯以往樹大流鴻何可限量子而若是足壽親矣必家而稱觴以進所謂依者得而違者歉耶先生聽已大悅曰吾家世有顯人母又

讀書集卷第九

六

浙江書局刊

428

貴族易致華盛乃獨兢兢於慎約之道以此相吾先君毅菴公成進士事先祖母時時進綺縠置重內已惟敝衣練裙蔬豆脫粟飯人比之敬姜曹媛齊軫焉先君令襄垣母隨無所汙於其署曰凡官所爲邪者未有不始於家人欲大而好侈者也願無以內故傷夫子之節由是家益肅先君大著有聲倘壽考則公所稱四子皆先君之優也吾母精書史爲詩清亮微婉教吾兄弟恆瘁力始勞之懼傷少息之又懼佚則復勞之蓋端慤莊嚴天性然也吾以母之教博一第致今官幸邀 聖天子錫類之仁霑 恩誥吾將製命服翟冠錦帔緋袍束帶誠使者負之肩背走金沙獻吾母公請爲序之余曰余弗文安能序無已請卽以其所言者綴爲篇使者歸太孺人發冠帔袍帶而服之先生之長郎侍於家爲開堂布筵請太孺人升於是宗黨親屬持筯

進履賀者充庭光光大矣假令先生不立朝不事職能令其親有是乎先生益大悅

許燕公編修太孺人節壽序

節者天地之正氣鍾於人曰聖曰賢鍾於臣曰忠鍾於子曰孝鍾於昆弟曰友鍾於朋友曰信鍾於婦人曰節節尤爲綱常之所繫名教之所關風俗之由美人心之由正天得之而清地得之而甯山川得之而流時日月得之而光明風雷得之而震蕩海宇得之而太平其在丈夫舍生取義殺身成仁易而在閨閣未必習詩書涉文史慕名譽羨芳聲而思傳無窮焉究之竟傳焉芳焉其初不過率吾性以往全其廉恥而不忍背其所天斯已矣絕無世俗割耳墮樓之奇行而在大家撫孤守禮至平常至當然之事也無矯異也吾於許太史太母李孺人而徵之母

讀書全集卷第九

七

浙江書局刊

七上

生詩禮家幼嫻內則適王齋贈公舉丈夫子三次燕公也年三十爲未亾人其於諸子不難於養而難於教教而有成父雖逝猶在也教而無成一生勤劬付之流水何面目見先人于地下焉此則母之所大懼之苦心也今幸矣教成矣吾爲著其大節而略其細行其可風者此也壽者人生之遐福全於人曰康曰甯資以生曰富成於己曰德善於後曰考終永其年曰壽壽尤爲諸福之所先神仙之所樂岡陵之允固松柏之常青天以之貞地以之奠人君以之而斂錫國運以之而昌隆庶民以之而熙皞萬物以之而生成其在偕老椿萱竝茂蘭桂同芳樂而在孤幃獨願從良人惡貪生鞠哇哇繼嗣續而心實痛焉究之續焉且光大焉其後邀國家旌典表厥宅里而反以地榮於當世絕非心術隱微之所安而在貞性長年聲施總不關情悉以

爲不宜然而然之事也無多望也吾于許太母而感之母今躋
七表體康健去太翁已四十年長君開石登賢書燕公遊翰苑
三子初吉以副榜貢諸子不難于貴而難于脩身植德孝友忠
純文學備至名以揚親以顯孝之大也幸矣北堂一生勤劬庶
幾無憾焉此則母之苦心至此而稍釋矣其又可風者此也

壽管母馬太孺人七十序

乙亥菊月閩吾里管希洛庶常乞終母養疏驚曰君英年館選
讀金匱石室之書負玉堂金馬之望太母康甯百歲可期由茲
以往尙三十年殷遙也古人辭所生以奉其主君設爵祿以顧
其私凡事君者亦爲親也是以斷裾而起叱馭而前蓋權於細
大之閒不格於依違之說良見扇枕舞斑戀戀膝下者眇小之
行也立朝事職樹鉅標芬者顯揚之大也胡爲不權於宜而顧

讀書全集第九

八

浙江書局刊

卷之三

亟亟於呈請耶希洛掩袖而起曰小人有母固相依爲命者也
自母歸先嚴家素窘荒於業弗獲遊膠庠世籍軍伍田糧戶役
官私交辱又值滇亂百苦備嘗不能堪母雖閉閣夙聞外家訓
嫻禮儀明事務有古孟母曹媛之風君子夫人之識勸先嚴曰
且宜順時隱忍天之道猶酌也有所挹必有所注觀吾兒嶷然
岐然長必能聳立君家世讀書而未有顯人顯之者將在此子
乎吾兩人習胼胝躬織作饔飧可足惟嚴以教之可耳無何不
幸先嚴一旦逝母日夜泣不休滇土益繁擾產業蕩盡母子形
影相弔嗷嗷待哺獨是教灑攻讀之志不衰夫克誌內相閑家
肅穆克勤克儉維德之行我母有焉迨王師平始入泮癸酉
列賢書旋叨捷選皆母之育也母之教也三十年來刻未嘗離
膝母子相依爲命久矣今越在萬里外顯未嘗頃刻去諸懷母

亦未嘗一日不念灑屢書令還能晏然安乎仲冬十一爲母七十有三設呪辰得先生數語急歸而壽之家光榮莫甚足矣子聞而歎之曰賢哉母孝哉希洛鼓桴園則花放鶴呼埵則雨來神從所欲福鍾所茶始予以爲太孺人之壽天壽之也今觀希洛仁孝性植立誠圖飾清脩潔品學邃養充天其或者挹彼不足注此令其有餘子貴母壽將報之乎夫榮靡所施於身卽母迄期頤乃親自爲壽天之所予子於親莫益之也能榮卽親之壽迄於期頤而名引於千載乃子益之每讀傳記羨啖桃長年求丹益算之事茲觀希洛其說不盡謾歟嗟嗟人不天不成天不人不因希洛同年友胡孟行顧書宣顧澹宸諸及第及同館裴致菴輩併翰苑諸公咸爲製錦作歌以介子故著此令砥行脩名孺慕愛親之士有所考覽憑依而母氏之芳當世世傳焉

讀臺全集卷十九

九

浙江書局刊

夏年母陶太宜人八十節壽序

今夫人之享有遐福者豈偶然哉勿論匹夫匹婦必其人有確乎不拔之操茂育羣生之德風雨露雷之教日月光嶽之明徽柔懿恭之性禮義廉恥之防然後能爲斯世植綱常則自於斯世享遐福蓋節而能貞恆久之道也予同年夏雲層吳逆叛勇略將軍進川日恢復敘州曾借才署府事大有聲生母陶太宜人今年八十有二萬里走函述所以苦節之故請序於予而壽之按略母出名門十六歸學博太先生卒於會川任母年三十舉丈夫子四女一痛欲從地下忽曰事當權其大者無我則無諸子矣於是含慟撫孤值流寇擾滇母攜持襁褓時藏匿斗米數金瀹糜哺之咸得長成母也而兼父道矣坐膝且教之具知識則嚴之嚴之又恐其勞之也則寬之長肇中前明鴻臚寺鳴

贊次卽雲層允中庚子補行鄉試與予同登賢書三致中明經
四允申增生女適予同榜何名瓊母也而兼師道矣至於母百
善備嘗險夷一節母孝母勤儉母處妯娌和母御下寬母樂施
好善鄉里稱之紳士大夫頌之母曰吾讀詩而至斯子之九章
曰乃生女子無非無儀惟酒食是議無父母詒罹傳曰女子以
順爲正無非足矣有善則亦非其吉祥可願之事惟酒食是議
而無遺父母之憂則可矣易曰勿攸遂在中饋貞吉而孟子之
母亦曰婦人之禮積五飯養舅姑而已矣故有閨門之修而無
境外之志我節我常也我孝我勤儉我教子豈異事哉予聞之
訝曰大哉母言其孟母曹媛之流亞歟使閨閣中盡若此莞莞
一婦人耳其茂育羣生之德與天地同其大風雨露雷之教與
造物同其功徽柔懿恭之性與古人同其淑禮義廉恥之防與
詩書同其永矣所關於綱常名教者豈淺鮮哉今年仲春爲母
設帨之辰笙歌在戶旨酒在幃男婦拜跪成禮孫男十三人拜
媳拜孫女十一人拜曾孫男六人拜女七人拜母悅之皆母苦
節之所致也天地之道恆久而不已也節而能貞亦恆久而不
已也百歲云乎哉

壽朱母李太宜人七十壽序

李太宜人者司農雪巖君維熊之母也母爲隴西望族幼嫻女
儀內則諸篇年十六適太翁某公相夫子以正翁舉孝廉謁選
詎家久食指繁多宜人主中饋凡雞鳴盥漱之節蘋藻伏臘之
需以及澣濯紡績井臼箕帚之屬無大小巨細皆身先之以示
婢僕閑家甚嚴動止中禮內外咸欽之及太翁別乘張秋司牧
濟水清聲善政冠於山左旣以懷州司馬擢守岳渚廉明慈惠

徧於瀟湘雲夢之閒先後著有實績七十餘條圖德政者四十
至今名宦鄉賢配廟享宜人內助之功多焉公艱子嗣一日濟
署產紫芝一莖離奇煥若識者以爲充闔之兆末二年果生雪
巖君宜人雖愛若掌珠而色笑服食卽寓以教稍長就學恆勞
之和丸畫荻一以義方爲訓無少寬縱太翁捐館時幼且孤內
詎外侮羣相吞噬宜人寬嚴互濟不抗不激能隱銷之訟爲寢
息但戒雪巖君曰汝父無宦物以詩書貽汝汝其勿替能光大
之何憂此區區也壬子領鄉薦由廣文遷當塗令宜人隨教以
清慎勤之道每有讞決得其情則喜少未當則不樂者累日雋
母之平反陶母之封鮮不過是矣雪巖邀 內召兩司版曹兢
兢職守勿敢隕越皆奉太宜人訓也孫三長芾次鷺次檻咸能
讀父書曾孫二幼太宜人罔倦于勤仍操家政待宗族恩而有

讀書全集卷第九

七

浙江書局刊

六三十一

別御奚臧慈而有禮其仁恕勤儉蓋天性云茲孟夏下浣爲太
宜人設悅之辰壽七十有三朝列公卿百秩及同里戚友咸爲
製錦賡歌載揚闡德雪巖君爲製翟冠霞帔俾長君進觴壽之
家請子言以弁諸首予觀河流九曲出碣石而彌雄玉耀連城
孕藍田而更貴昔周之成王幼冲左周右召日見正言日聞正
事故邪僻之行非道之言不惟不見且不聞之矣斯能成令主
孟母教子不憚三遷故軻無嬉戲之事而成大賢今太宜人相
夫子成廉吏教雪巖君贊襄邦計而名譽益彰太宜人之功顧
不偉歟吾聞太宜人體素健且儉約無侈靡之習再三十年躋
百齡甚易此天人交感之理也於斯辰也畫錦張筵升堂祝嘏
吾知太宜人舍飴抱孫樂且安和壽而康可知也

段母李太孺人六十壽序

乙亥之秋 上諭閣臣銓部曰咨爾羣工在內卿士百執司朕
日夕見賢與否可知在外縣令以上號爲親民惟廉平者能與
百姓同好惡平刑釋冤治稱上理卽惻愍無華者日計不足歲
計有餘雖無赫赫聲爲閩閩培元氣實嘉賴焉其令直省督撫
保薦廉能者三員來京 陛見朕親覽焉於是直省以遠近前
後送 闕下引 見咸稱上旨仍令回任候擢用黔之督撫保
薦者思州守張聖佐開州牧王永烈畢節令段如蕙是日同山
東江西省見者九人 上獨傳如蕙如蕙膝行出班跪 上覽
而嘉之以黔撫臣閻公畢節缺人曾疏請檢選部臣檢嘉定州
判原卓異如蕙應 上記臆故欲見也將旋之日以母李太孺
人六十壽序請曰家嚴六袞曾懇大人文大人爲序蕙家世名
德甚悉奕葉光焉今母文幸勿卻曰予去徵三十載凡其鄉之

讀書全集卷十九

三

浙江書局刊

八

嘉善令聞慨未之詳烏乎頌曰小子敬陳之母事翁姑孝相家
大人敬處妯娌和教子嚴御下寬母之素也曰賢哉母此懿德
之恆也曰母生於閩閩名門不席富貴治家勤謹節用不佞佛
常茹蔬練衣布裙夜深猶績以其餘振寒族及里黨之貧者母
之行也曰淑哉母此閩閩之常也曰小子筮仕母教以無欲爲
本慎以處之勤以作之母之教也曰明哉母此卽清慎勤之說
服官之要也曰近接母教有數事小子不識所從請誨焉母教
蕙做官做人器量爲重才具次之又曰汝四子三女久不在吾
膝子七歲以上卽用詩書陶鎔其氣質女長止令學製絲布家
人衣勿習刺繡勿攻文史是乎子離席手額起敬曰大哉母言
吾未恆聞吾師乎吾師乎夫今之人所尙才也以揮霍肆應爲
能以震蕩鉤耀取譽再則詞章文藻綺麗相競卽上也母曰器

量豈非有契於聖賢之爲而夙聞君子之大道哉學未聞道其不至於驕且吝不止小有才者賊身之道賊民之尤也器量深醇何可量乎日聞正言日見正事故小子有造而氣質可變化也母曰詩書陶鎔甯止於不嬉戲歟聖人可學而至矣又雕縷纂組害女紅者也黼黻彩章別有位者也女日事五絲團鸞鳳光華炫目貝錦如雲貧家之道侈靡之風也母曰學製男女絲布麤衣豈非上世溘閻之民居室恆久之道乎若女而能文章工詞賦恃才妄作害於而家傾於而國者比比皆然母曰勿習豈近世學士大夫家之所得聞所能曉歟宜子薰斯以下邑而應 聖天子之召徵爲側席之勤求豈過分哉教有素也如是甯止母壽一身子若孫咸壽之又甯止子若孫竝一世之人聞而起而師者咸壽之矣此言也天下之公言謂子以姻故或

讀書全集卷第九

七

浙江書局刊

諛吾知免夫

潘母王太孺人七十壽序

吾今而識當世之孝子仁人何其多也自予事雕蟲以來求文而爲己者十僅一二求文而欲顯揚其親者十嘗八九或其親有豐功偉業及潛德幽光者則急欲闡發之或其親有忠孝節義文章品行者則急欲表彰之或欲光大其親懿德淑問之事以及貞烈苦節之行或欲敷陳其親艱難險阻之厄與夫堅剛特立之操皆仁人之心孝子之志也倘先人有隱衷而不能達委曲而不獲白盛德隆施而汨沒之雄文大篇而散失之父書不能讀前徽莫或繼焉用是醉酒飽肉之痴兒不類孫乎不孝之大也乘龍潘君子丁巳典試江南所錄士來應中翰之選於

京師以母王太孺人七表壽言請且爲陳其孝德慈行閑家

教子克儉克勤好善樂施諸大事曰族人稱之鄉邦頌之母自視若欲然謂此不過婦順之常譽適增惶又述其少而失怙母四十守節諸呱呱兒泣亦泣所謂鞠勞況瘁百苦備嘗者也族人稱之鄉邦憐之母曰我子我育我節我遭吾之分也猶子而孝臣而忠朋友而信此義在則然使可表異則必臣不忠子不孝友不信七子之母不能安其室者可恆見於世乎獨是吾今七十兒乘龍登賢書矣餘五子游泮矣十四孫芝蘭玉樹盈階矣歲時伏臘諸兒諸孫諸婦拜於祠拜於庭夫子早世而不知之見此則其痛心疾首涕盡而繼之以血莫或寬於懷者也母言若此欲得先生一言慰之慰之而釋或者耄耄期頤可望乎子曰賢矣哉有母若此宜乎多男孫枝之亭亭玉立蔚然繁盛百世猶將賴之也又曰孝矣哉有子若此能備述其母之危衷苦志欲以傳之奕葉知母見之大而議論之宏因識綱常名教所關之重而浮名虛譽之不足取如斯也世之人盡薄今不如古而吾獨謂當世孝子仁人之多古不乏今亦不乏也況乎臣忠友信兄弟恭夫義婦從不幸卽守貞立節百折不回者古不乏今亦不乏也又因此而知臣忠宜忠子孝宜孝友信宜信婦節宜節而非有過人之行驚世駭俗之事至平至順之道也母而耄而臺而期頤亦宜耄宜臺宜期頤而非有神仙之術餐芝食石髓之說可得而參乎其間也賢哉母壽哉母宜乎

張太淑人八十壽序

張淑人者吾鄉前輩六符張公元配也公諱其彩舉崇禎己卯鄉試明末官文選郎轉建昌道偉手儀才品端凝允飭廉隅歸田後愛山居茅屋數椽而已子三長曰育才次曰育鬻又次曰

育杰幼而背公今咸成立可振前徽矣淑人徐壽八十有四乃次君走萬里求序于予予愕然曰父母在不遠遊茲自滇至

京有他故而來歟抑果爲文歟曰小子學未成不干仕進事耕

讀圖知遠服賈以先生文典而質質故人信之信則斯傳傳則

親榮是以來也曰吾文烏足以壽淑人哉聞之吸日月之華飭

沆漑之漿可還精益氣必得御風登舉攬轡羲和叩望舒期然

後能遂所請而快所志而天關有虎豹守之陰霧杳冥迷於上

征卒不能至不可強也今旣不憚艱遠而來胡不陟崑崙訪瑤

池謁所謂西王母者求其桃又或躡履翠壺造麻姑之泉引滿

而歸可以添壽否則海上多神人有禁方藥草令人長生顏不

悴此皆跋涉可到若欲文則宜覓林屋之洞探龍威之書足以

駕赤鯉游滄海君是數者不爲而問文於鄙人則迂甚曰先生

讀書臺全集卷第九

五

浙江書局刊

卷之九

所言數者殊震俗難效恐誕而不可致也小子所爲壽者因之

爾己自小子兄弟早失怙而棲山谷山中故出薇蕨朝夕盤飧

不索外而足焉吾母所嗜獨飯粳兼筍蔬耳而粳得之田筍得

之林母誕日每舉觴則子婦貢履諸內屬羅拜予兄弟以山溪

所有進母悅之倘母欲視園畦臨流水觀花竹則小子輩奉襟

裾以隨故所爲壽者皆因以是恆取恆具無乖志之圖無取於

神仙之說若得先生之文還而稱觴勝於朱書靈餌遠矣予曰

起予哉吾母近期頤吾亦未知食丹還少之事不過因其所能

而易獲者上之吾母樂而啖之且甘之或卽隱得於因之道乎

君字璧池弟字振九庶母張出母少而持節兄字樂也嫡姪過

繼此舉乃其昆仲商而行之兄弟每食必務洗腆而日食則一

菜脫粟飯里人曰從來稱孝獨推閔損王祥以其皆并所生也

今觀三張子事淑人卽二氏何讓焉烏可以不序

壽鄧母劉八表序

丙子暮春清明之二日子退朝兀居太史魯留耕忽謁予以通家世好也出某州武舉鄧名洪範爲其母劉孟秋七月八表設輓之辰之行略請序於予予曰足下執筆劄出入承明列在交戟之內著作多矣天下之人求片言如華袞而問於予是猶公輸稽繩墨於工人王良借御事於僕夫也可乎哉留耕曰小子末學於道無窺讀先生之文他不具論卽壽言毋慮數十千人各一章章各一理理各一效猶之天之生材因物付物得則培失則覆要以至理所寓不徒託之神仙恂恍之說及尋常禱頌之辭斯足貴也洪範雖講孫吳之略而應者武試之科然其家世儒業幼習詩書而艱於一遇乃移而之戎急欲娛親也孝子

讀書彙纂卷第十九

去

浙江書局刊

66x

也先生幸勿拒之子惟今之人能稽田藝黍稷於歲時伏臘洗腆致慶於父母之前者鮮矣或肇牽車牛遠服賈用孝養厥父母厥父母慶者又鮮矣卽讀書明道負才望聲譽者能下氣怡色承歡膝下得父母歡者難之卽粗而視膳問安冬果溫而夏果執扇爲父母清者誰乎昏果定而晨果詣寢以省者又誰乎今鄧君能一一述其母德請於鄉之文人韻士長歌短什以表彰其淑問閭閻則其洗腆孝養可知已又不止鄉也乃於通都大邑請於邦之墨客詞卿賡唱迭和以闡揚其懿行懲訓則其溫清定省更可知已又不止邦也進京師浼親識而請於大人先生爲文以榮之作歌以介之益光顯彰大耀於閭左傳於奕葉而母樂矣予以一言文之曰樂則壽

李遙穀校

河陽趙士麟玉峰父著

受業徐炯輯

卷二十

男宸黼編

十一首

襍著

遵 旨購書引

自西漢下獻書之令舊編悉萃中朝迨後唐有鏤板之行副本始傳通邑太常博士共司掌錄之官石室蘭臺均屬藏書之府於是劉歆班固所輯各著專家若係陳農荀勗所收斯稱秘牒博綜正變相傳貞觀初年襍撰高深具載崇文總目開元中褚虞警校曾借民間未見之書典午時劉石憑陵卒歸江介初收

讀書堂卷第二

一

浙江書局刊

之籍名標四庫不厭兼城藝滿六街何妨謀莖我 皇上亶聰作后稽古崇儒接義畫之真傳邁虞書之絕學揆揚百代文探兩粟以還融貫六經化浹流沙而外玉海難形其富珠囊罕喻其珍猶切疇咨廣為哀集 御筵恭進惟以經學史乘為先

天語重申不為異端說說所襍欽遵 綸綍亟合網羅矧本蕭梁文獻之邦尤得洙泗菁華之域由來彼都人士大有縹緲居然江左風流可無獻納所願東山舊學南紀高賢代典國華人懷世寶連豐疊屋宏開曹氏之倉赤軸青牋博訪杜家之庫弃逸書之三篋探古本之九丘客到枕閒定索鄧林之祕人過市上爭窺延閣之藏勿吝獻酬務期輻湊或流傳講肆沾諸待賈自有酬嫌易字之方或假借襍鈔繕畢即完不致紙敝墨渝之患必令汲郡再出新書還校蕭樓堪登上選 聖朝鼓吹毋取

祕辛遁甲之奇 盛世典章豈沿積案盈箱之陋襲歸正大悉
準精純敬勒數言用祈同志丹青在握幸投我之爭先金石相
貽亮對 君而敢後莫令神仙丹笈徒付蠹食以長生儘教奎
壁靈文直附龍飛而上達珊瑚一架玳瑁千尋早彙琳瑯共襄
宛委

濬河述略

甲子春余受 命撫浙蒞事之始見衢巷繇絡檐舍鱗比少雨
漑輒潢潦載塗侵軼于宅民用怨咨心竊軫之迨閱月下教特
廣條陳十一郡之人藉藉紛紛咸詣戟門言利病杭人則相率
言民居窪溼以城河弗濬故且舟楫阻滯擔負爲艱而迭罹火
延亦水德之不勝也質諸縉紳先生僉曰固也杭蒿目望此舉
久矣余遂檄藩伯令郡邑計其道理工費以聞而杭之人亦續

讀書彙卷第二十

二

浙江書局刊

以其湮塞顛末開濬之緩急次第及所爲規畫之方投匭上告
余視其爲圖爲說者條分支析縱橫鉤棘於闡閱間輒目岑岑
欲眩莫識所指手度其工非可以旦暮就而計其費且不貲爲
之奈何議者曰颺簡以籲于眾廣募繹輸計足而後興役徵工
於夾河之居民楹一人餘則他募以補余喟然曰事未創而募
則人疑疑則澀縮畏難推後先校多寡觀望不前呼役於閭左
則蚩蚩之氓煩然騷動而諸以室廬侵牟河上不便於是役者
率爲浮言橫議以詛詞恐喝轉相傳播於是上下咸怵然于河
之不可果濬是所謂築舍于道謀而不集於成者也且從來舉
事利及千百世者此有識者知之淺者未必知之也適紹郡判
王玘以事至省余知其入敏練習水利修三江閘著成績入謁
余告之故且曰誠得一人爲吾任事不謀於眾而倡行之出錢

募役厚其直毋擾民盡力所優循節佈工以徐俟聞風而好義者遞助踵接毋限歲月量費而進古不云乎凡民難與圖始可與樂成子盍爲我視之玃視訖還報曰冬餘民暇可卽濬也始事則迴龍橋一帶淤最甚宜先治且當城之中搯航拊背足以風示四隅願公假某二千金以試可余曰善亟貸付之卜吉告神鳩眾按日給傭視常顧倍之趨者如鶩不旬日而濬若干丈尺計其費乃與向所估者各省有差於是遠近咸曰河易濬也而尙衣學巖南北樞諸公而藩臬監司郡邑各助若干未幾而外郡之監司長吏助若干又未幾而紳士商民助若干曾未浹月資用漸集余喜曰是可以分曹理矣遂分遣屬吏畫地程工畚鍤雲興磬鼓四應余時乘一小輿閒往周覽諸君皆蓬首顰面肱左右揮不輟諸役者蜂屯蟻走泥淖踰躅老稚聚觀謹呶

讀書彙卷第十

三

浙江書局刊

雜沓洵一時之勝舉也河酌舊址廣若干爲衝繩以前步侵繩以內者復之越在繩外無碍往來槩弗深求所濬之污壤瓦礫運以舂奔郊郭隙處兩涯隄以木石其中洞洞然其旁蘄蘄然貫之清流融融然洋洋然民家爭闢櫺櫺虛俯碧垂棹就澗遠近相望人航物載行往來如織謂二百年來所再覩其樂可知矣役始於康熙二十三年甲子仲冬竣於次年乙丑季夏河以丈計者七千六百二十八有奇以工計者二十一萬七千三百八十九費白金以兩計者一萬二千六百三十二其需用椿板鐵器礮石諸費另紀督工者爲嘉郡丞孫明忠運判范景賢杭紹湖嚴四郡判宋德深王玃祝鍾哲王嘉植運判張令甲安吉州州佐王世勳協贊則杭府照磨蕭世玉知事王祖臣餘杭縣丞鮑訓山陰縣丞文獻烏程縣主簿李天堦各縣典史孔

南時朱彥王彥瀛劉芳聲王大有赭山巡檢沈光紹凡七闔月而工成諸所助者用乃有羨值 部議飭直省捐脩城郭兼學宮頽圯并應修諸役因沛其餘以次卽工焉余乃復喟然思志之能相與有成而天下事之可力爲也成功實難墮之甚易謹啟閉嚴隱占隨淤隨濬補救以時毋廢成規則惟後之君子是賴矣爲述其略而紀其制用如左云

鑑虛衡平說

乙亥嘉平熊太宰素九公題鑑虛衡平四字於銓部之屏示訓也植公也旨哉何淵以深也且廣以大也是之謂知要知要卽知道知道則知天矣夫天生斯民而欲其理也則建之以元后焉元后承天子民而欲其理也爲之眾建庶官焉至於甄別流品澄敘官方進退天下之賢不肖之大權則責之統百官均萬

讀書集卷第十

四

浙江書局刊

民之豕豕宰官人者也於此任耳則蔽任目則炫任己則偏任人則罔任資則滯任法則絀任智則愚任術則窮況羣天下之人才羣天下人才之眾咸輻湊而畢集於闕下出于百人之心思智力以圖急售旋翼速化得則曰例也否則謗焉蓋人才之直亮誠慤者十人而一聰明猴巧馳驅世路環轉脂隨之輩十人而九故一人節儉九人不能測也一人執實九人相與疑焉賢人在前邪夫乘之毀玉爲珉譽猶爲莖如是則澄之也難人才之生也在一鄉千而拔一在一國百而拔一在都會十而拔一選益精則才益寡指摘微瑕則宗廟之圭瓚恆缺才朽不錄則大廈之落成無時虞舜重瞳不能兩視魯輸雖巧不能竝作以是不真又失之隘於是則敘之也難馮鳩不出於枋榆之間跛驢不涉於太行之路志豈不足哉力不能也大鵬之圖

南赤驥之千里此獨其志然哉力有餘也神龍在池一旦起而雲雨人始知神寶缺出匣睹者動容如是則甄之也難蝸蟪不與蟋蟀齊鳴絺綌不與貂裘並服批大窾解大碑非利刃善技凶類也英雋逸羣之才跳驅千里之氣舉四海而加之遺艱大而投之倍加快愉如是則識之也難國家以孝取人則刳股無完膚以廉取人則僵臥無肥澤終南可以捷徑則挂冠接踵矣做車可以延譽則鶉衣百結矣如是則別之也難或賢豪應當世之務必積而後信久而乃章何者其所爲者皆人所避其所斷者皆人所遷延而不敢決歲時深則性情始露吾欲取效於尺寸騶觀夫厥成如是則進之也難盛名難副重任難勝責育能任千鈞行百里未咫尺而氣逆足盤人弗用之矣后羿古之善射者也百發而百中焉人稱揚之連發數矢而或遺焉人非

讀書叢卷第二

五

浙江書局刊

673

之矣然而其勇其射固自若也如是則退之也難老成謀國在譽望伏壓儉邪猷謀論議足以定難而解紛彼勞勞趨走奔命於手足耳目之前者則一命之主之職也如是則辯之也難以茲入難兼祜入任何道而可公曰無難也有錯焉鑑猶太空也雷動而雲合風馳而雨施四塞矣少霽則倏焉青空以虛也鑑之妍媸並照毫髮無隱五色各一章千人各一面而弗混者何哉虛故也又有衡焉衡猶止水也風翻則浪湧龍奮則波興至變矣移晷則坦乎澹蕩以平也衡之輕重各殊銖錙不爽百物各一體百體同一制不相倚者何哉平故也其道在忘好惡去意見除將迎絕恩私栖志於無妄之次游意於自然之途則萬物畢聚闊大淵泓不可量也性情嚴扁無所動搖不可牽也塵垢絕越中情潔白不可汙也靈徹貫通比於著祭不可欺也臧

否去取先幾炳見不可遁也如是則才達才達則無已無人去
智去術無已則無難舍已無人則無難任人去智則無滯力不
已出去術則無憎功從人立斯鑑之精衡之妙也是道也卽內
聖外王之道人主執簡御繁之理也帝堯制歷象以授時咨四
岳以讓能舉元凱以裨政竄鬻饗以蠲害然爲而不有動而能
靜卒成垂衣之治者以虛也平也帝舜以璇衡齊政以四門達
明以伐苗堯威以阜財布德然爲而不有動而能靜卒成無爲
之治者亦虛也平也堯皇上敬天則郊丘有祀宮廟有祀有祈
穀之典有報謝之典恤民則養老有詔蠲租有詔有振饑之令
有蕩平之令身處宮庭宥密之中慮周四海九廟之外天下有
不可勝窮之務而咸取報於一日二日之間緝緝熙熙履道之
微焉穆穆懸懸會道之原焉爲而不有動而能靜成垂拱之治
者虛也平也譬之於天陰陽之流行四時之轉移萬物之化生
輪輪駢駢而未始有息也然而於穆之神流者自流不與俱流
移者自移不與俱移化者自化不與俱化何哉爲而不有動而
能靜惟虛與平故也况官人乎公曰玉峰殆良於言哉我則未
計及此也遜才欲其虛公而已

題于毅菴詩後

聞金沙毅菴于先生詩文字畫冠絕一時求之不可得幸得與
先生長君章雲交請之出所書十二月詩一冊示余零落如殘
霞斷錦披覽之餘詩具質實渾樸之風且有艱難忠厚之遺詞
賦之氣咸盡矣字有從容閑適之意而無狂怪怒張之習筆墨
之迹俱化矣物忌雙美先生兼之曰止是乎章雲曰先君生平
得意乃書故灑翰無多人獲之如拱璧余兄弟年俱少復不知

藏不意遽失所天一代手澤竟止此爾余曰神物不世出異寶不在多也玩弗忍釋余樂之章雲益悲之

樹木說

今夫樹木者樹松柏也其次桃李松栢可材桃李華悅不任風雨若夫榭栢長于深山處幽生邃歷千歲而始材廟堂之觀也漢起建章之宮建承明之殿羣材畢集列若丘山其時欲轉干霄之木爲盤之石於巖廊之間非一手一足之力也百夫駕車千夫引繩前呼輿謗後皆應之木翻然馳焉當此雖有絲桐之奏霓裳之舞鞞鼓之音不相關也何則物有鉅纖聲有微昂力有齊不齊人有至不至故也况舉重任致遠道乎所宜深之以養出之以識洞之以微而作之以氣也幾有伏智者睹之務有時謀者乘之所貴於士者秉道而植志圖公而輟私目周堂戶之中聰徹垣牆之外博習厚薄明晰今昔之故負不可涯之氣而懷忠純之腹斯則優矣吾拙尋往蹟歷觀羣倫則深歎名實之難焉今有賣珠於市者華其積而中亾珠質人以爲美攜歸而啟之則喑然嗟焉吾懼其或類之也

四說說

天下事有可以意及者有不可以意及者不可以意及利用謀可以意及利用斷也舉天下事有可以己任者有不可以己任者可以己任利用獨不可以己任利用眾也當其用斷有可以未事而決者有不可以未事而決者未事之言人人忠幾務方乘貴燭之于當幾迎之于至紛也當其用眾有可以事後而定者有不可以事後而定者事後之言人人智事機旣過貴鑒之于己往善之于將來也吾讀書而見謀及卿士謀及庶人謀及

元龜謀及蓍策龜從筮從卿士從庶民從矣及發而鮮有克協者此詢謀僉同不若朕志先定之爲要也吾過五都之墟廣衢之側見築舍者旦旦而度之方方而按之過者此曰可彼曰未可彼曰善此曰未善卒之主人惑之工人擾之三年而不集于成故用謀不若用斷此一說也昔人建明堂起未央榭枅取之荆楚綵色貢白維揚漆絲來于巴蜀金鐵采之華陽盤石柱礎輦之名山大壑重寶名珠泛之巨艦廣洋羣策羣力呀呼輿謗而殿成焉殿成而 聖天子坐以出治所側席而旁求者獨忠貞之士與夫股肱心膂之良耳臣之子君猶手也夫手上以脩首下以脩足斯心安體舒焉劍斷割則知利士委任則多賢故用獨不若用眾又一說也若夫未任而期以身許國方童而言竭力于親平居而談致命遂志履常而矢殺身成仁足不踰戶闕而曰吾能涉大川手不能挽強弓而曰吾能搏猛虎鏑銖毗睚而曰千金之璧吾能碎之跬步蹶跌而曰九成之舞八風之奏吾能兼之總之當機則軼對境斯遷未事之言人人忠內斷之臧存乎識此一說也處千百世之下而論千百世之遙撫簡冊之文而泥前人之迹曰某也得某也失某也成某也敗某也忠某也佞騁舌上之雄鋒誇胸中之多識樂毅一鼓而下七十餘城卒因卽墨而復之曰此齊將之智樂生之過也漢高之于項羽一戰而勝之曰此三傑之能而高帝之能知人善任也蓋陳說也總之時過則論定論定則耳目咸得所聽觀而莫可滯事後之言人人智鑒于既往善于將來者之難得也又一說也四者其大略也

讀臺金卷第十

八

浙江書局刊

七十一

家恆夫弟以藥枕贈子枕栢木爲之中空外匝內納藥三十二種異者半平常可得者半外覆以葢爲多孔如米粒俾氣達臥則枕之能令目明耳聰髮黑益壽延年恆夫授之異人枕數月稱佳因念子照式別製一具相貽試用果神爽氣清時有一段幽氣似芬非芬來往鼻端若偃仰於華嶽絕頂松風飄忽月白天青颯颯有仙意子樂之非眞欲得耳聰目明髮白轉黑年果延而算果益也樂兄弟友愛之情眞誠篤摯近世罕有焉夫棠棣之詩周公所作以親夫人之兄弟也故首章有云棠棣之華鄂不韡韡凡今之人莫如兄弟箋者謂鄂足傳華之光明則韡韡然盛興者喻弟以敬事兄兄以榮覆弟恩義之顯亦韡韡然也吾二人卽族遠而地隔然其始未有非同源共貫也後得侍同朝丙子之春恆夫置酒聯同姓者團拜得四十人其間少長

讀書彙纂卷下

九

浙江書局刊

石文

各殊南北異處而情聯誼切不可謂不盛其先則少司寇愛周兄僉憲爾合兄及子與恆夫骨肉相歡者十有餘載較同胞有加焉蓋同生長簪紳之家漸濡詩書之澤兄弟之閒下承上覆彭明光顯固無失於詩人之旨憂喜哀樂與共有無相通升沈顯晦相扶持恆夫倍深至一日恆夫以視河事被累去諫垣歸黃山睽者數年而心神則未之隔如形影相戀作詩賡和來往如環則二章所謂孔懷兄弟者不爲有合乎迨荷 聖明洞及非辜先起大宗伯佛公繼起大司空蔚懷熊公及恆夫恆夫需補棲寄園從容燕飲以洽其和孺之情朝斯夕斯惟恐不足吾視寄園爲吾物興至卽遊恆夫爲具餽核茗醞更唱疊詠爲之序寄園寄所寄集又序臥林遙集于律詩作寄園遊記園景三十各題以詩復爲草書恆夫鐫之石則六章所謂儉爾籩豆飲

酒之飫不更有大乎兄耳兄弟欲爲兄聰明之兄髮白弟欲爲兄黑之兄年壽弟欲爲兄延之益之斯有良藥與兄共之推斯意也兄有疾痛弟欲爲兄去之兄有所欲弟欲爲兄致之可知也此蓋天性豈恆情乎抑豈常人公溥之量兼善之懷可比擬乎在恆夫亦知未能卽必果聰果明果延果益也而欲聰欲明欲延欲益一念若有真聰真明真延真益者然是乃仁術也其意良厚其心則仁也子弟事父兄甘膺之設人能致也而敬難敬人所能也而愛難敬欲其如事大賓則何難之有而非敬兄之道也愛欲其如愛妻子則何難之有而非其愛兄之道也如恆夫者愛而肅恭之禮存焉敬而肫懇之意備焉雖事親不過如是況雁行乎再推斯意甯止兄耳兄目兄年壽雖合一世之耳目年壽咸欲聰之明之延之益之共登仁壽之域可知已

讀書全集卷第二

十

浙江書局刊

世俗猥薄兄弟父子憂喜不相問逸樂不同情假貸不相通事觸於中則勃然操戈而相逐父不能以禁其子弟不能以諍其兄况疾痛之與去所欲之與致乎同氣一體且然況遠而千里萬里聯宗合譜如秦越人不相識乎有志之士躬行仁厚骨肉痾瘵居於家而使同姓之親少長知禮讓而不爭壯者知勉於學而篤於行能睦其族化其鄉而不陷於非義頑嚚化爲純慤愚昧者不失其性豈非賢人君子之行歟又不僅耳目聰明之兢兢也吾感於藥枕一節而申其謝并申其說

夜氣說

予善睡於廣座中時或鼻鼾如雷而又有聲卽聞有叩卽答時或閉目內斂收聽反觀而靈明則炯炯少宗伯王子言嘲予詩曰少宰鼻鼾有大名朝房假寐若雷轟有朝徹入重瞳耳

如聽當時曳履聲客疑之曰先生似睡其實又未嘗睡必有道焉請示之曰子非知道者嘗讀易曰尺蠖之屈以求伸也龍蛇之蟄以存身也是故夜者晝之因靜者動之乘孟子教人存夜氣所謂發前聖所未發天地之道秋冬不斂則春夏不舒雨暘愆而百穀不成以先洩也吾人神氣息而後生恆視則耗多言則損好動則疲褻慮則銷加之嗜慾不清殷憂內伏飲食不節起居無時豈善攝之道哉知道者先澄其心志俾天君泰然每凝神養默遊心何有之鄉息意太懸之境當大庭廣眾之地聲聲色色聒耳炫目則瞑然若藏至幽居寂處則兀然跌坐絕慮屏思一旦有事自然形開神發卽彌綸天地之道參贊位育之事咸出其中矣善哉武侯之言曰學須靜也才須學也非學無以廣才非靜無以成學非澹泊無以明志非甯靜無以致遠予私心學之而未能但見其類於睡者此也

窮酸說

讀書齋卷第十

十一

浙江書局刊

七三一

子澂友楊巽耳遙函貽我曰天下之窮莫有過於窮酸之窮窮酸之窮窮酸者自知之不窮不酸者不知之也信如是將以未遇而家食者爲窮酸乎出而仕宦者爲不窮不酸乎夫仕宦中有真窮酸焉不可不知仕宦而不窮不酸其人品可知其成就可知己原憲桑樞顏子陋巷此真窮真酸者也兩賢竟以窮酸終未聞以窮酸病何患焉百里奚乞食於道路卒相秦而顯其君甯戚飯牛扣角而歌桓公任以國政此始窮酸而終於不窮不酸者也兩君子不聞以不窮不酸而有加何損焉蘇秦張儀公孫之徒挾策以干諸侯致身通顯佩相印而盛車徒此急欲脫窮酸而求所謂不窮不酸者也究之縱橫之說窮身名旋敗

其不窮不酸爲何如也子胥入吳種蠡霸越范雎拉脅折齒於魏而貴於秦蔡澤乘堅驅肥詆應侯而代之此不窮不酸又究竟何如也若夫李斯位上卿而興悲於東門黃犬商鞅貪商於之富而不免於車裂不窮不酸之爲殃何烈也司馬長卿切訾於卓氏臣朔割肉於細君此一段窮態酸味不大可掬乎匪直此也周公封魯太公封齊敢曰我富我貴乎仍窮仍酸也夔龍稷契未聞富侈大窮大酸也後世文章之士屈宋班馬何一而非窮酸之人理學之儒周程朱張何往而非窮酸之輩有窮骨而後有喬嶽泰山有酸意而後有光風霽月其猶仰日月星辰乎非不晃耀在目也不窮不酸者欲足躡紫霄而手摘白榆能手哉其猶望秦華嵩嶽乎非不嵯峨在前也不窮不酸者欲陟芙蓉之巔而把仙人之袂能乎哉陶朱猗頓之藎無所騁其豪

讀臺全集卷第十

三

浙江書局刊

〇〇〇

賁育專諸之勇無所措其力是故拖金紆紫鳴騶飛蓋非貴也郭侈金穴石步錦幃非富也列鼎而食選聲而聽非雄也燕姬侍側趙女舞前非麗也東方生日抗之則在青霄之上抑之則在深淵之下用之則爲虎不用則爲鼠此蓋爲平常苟且之輩慕富貴而喜競進者道豈所以語於眞窮眞酸之士哉古之君子達而在上祿之以天下而弗顧繫馬千駟而弗視勳猷震寰中而不矜惠澤及百世而不伐故必堅其能窮能酸之操而後可以成其不窮不酸之用至於窮而在下勞筋骨餓體膚經百折而不迴猶詠歌而自若又必堅其極窮極酸之遇而後可以成其眞窮眞酸之品安有伏處巖穴者爲窮酸側名華廡者爲不窮不酸哉甚矣窮酸之於人至妙至妙者也予童時卽獲與馮桂黃梅兩先生交每晨夕當風雨晦明或燈前月夜把酒論

文更唱疊和四十餘年久矣予昨擬爲文送之兩先生責我甚備乃覺焉懇而留之惟恐其舍我而去夫子今而後知窮酸之於人至妙至妙者也吾友又欲去之乎竊恐羅藏雲物撫湖煙波華陽之層臺仙館環澗之樹色芳華笑其後也

做送窮文

予未冠而背先妣既冠而背先考今母萬撫焉遭寇氛之亂兵火相尋家業盡蕩熒熒孤影東奔西匿遂遇洪崖黃梅兩先生於巖谷之間廣淵之野促膝談心長嘯有契敬延至家上座焉每花前月夕歌詠甚清觥酬交錯豪飲如狂登高遠涉而文日肆昂首霄漢而氣倍雄獨是才不足以治十日之家室鮮擔石之儲弗計也迨三十二而舉於鄉三十六而試春官叨第遂登仕版開府江浙今官少宰吾腹便便吾貌豐偉見者識與不識

讀書臺文集第二

三

浙江書局刊

乙未

莫不稱其爲尊官富人也乃母九十而乏甘旨之供吾年六十餘而婚嫁尙頻貸甚難嗜酒不賒春衣時典知我者笑我疎略而迷惘不知我者謂我欺飾而矯誣室人交謫眾口相譏咸曰此兩先生相依之故予事兩先生久禮貌未少衰意思未少劣奈恆窘而貽訾冀維新而易轍茲當壬申歲除月吉時良效昌黎之作車送先生於他邦兩先生忽變色曰居吾語公昔者土逆叛於滇殺人如草菅挾資者亡脫公於難以有吾也時旣漸平公固知力穡事牽車牛遠服賈惟麴糵之是耽詩書之爲務攜朋挈友以選勝問柳尋花以漫遊歷官中外幾三十年乃迂闊而講四知且希心於往哲而不爲凡營遊神於太虛而不落塵琴拯人之溺如己之溺視人之飢猶己之飢好排紛而解難又輕財而輒施凡此者皆致貧之道也亦惟吾之故迺獲去鄙

而就雅道長而日升我輩何負於公公欲送我曰雖然吾窮久矣骨悚悚而恆懼足搖搖而莫處薄賓朋而無奈抱語言而莫訴不冰而人自寒不惡而人自惡爾情可感爾名可如士遇先生而苦饑宦遭先生而耗蠹況吾日數十日嗷嗷其可慮吾家萬里恐飄泊而沈陸吾母就衰憊風燭於旦暮吾齒非少任茲擔其奚荷違厥終之是圖小德可以出入先生率僕御而少退予或庶幾於末路於是兩先生正襟端座而詔予曰夫性有定分理有至極力不能與命抗才不能與天爭君子立性樂分抱樸含真壓之泰山不以爲重付之秋毫不以爲輕夫財利者眾怨之府也賢人之所避也小人趨之如逐鶩也君子卻之患晚已也孔子絕糧顏氏屢空屈子感憤黔婁遺窮別有以也扈范丹於塵釜割買臣於愛婦悲墨子於染絲哭阮籍於迷路炊百里奚之屨屨空孟嘗君之門戶時則然也屢公以蔬食菜羹者飽公以道德仁義也迫公以窘乏不支者益公以智識作用也物忌雙美盈虛消息天之道也位次上公非不貴矣家慶足樂亦希觀矣尙何饗殮之不忘有餘不足之興嗟將欲剗方爲圓效白晝攫金之士及老戒得學昏夜狗偷之行乎方今 聖明在御治化大行清風扇拂乎八區 皇仁丕洽於四海何所容其私歟且年歲屢登秦荒大振家蓋藏而戶饒足未見餓殍公獨鯁鯁焉將欲送吾吾兩人豈苟留者乎言已拂衣而起子急呼童掩關扣門牽裾再拜以請曰子惑矣今聞兩先生之言如酣夢修覺也汗涔涔其如雨下先生憫子曷少留兩先生曰吾固欲全公令名於始終也成公德也吾輩豈可遣而可留哉用是得緩其行不去

讀書臺文集卷第十

函

浙江書局刊

八片

宮詹龍雷岸少司農王阮亭兩公唱和詩後跋

輞川擅新聲之譽奏雅製於輪袍公瑾標顧曲之稱傳驚才於
檀板巧由天授事播人寰宮允望出皖城匯大江之秀采司農
名高岱嶽表東海之雄風偶聽香鬢迴憶揚州之夢有懷玉茗
遂賡燕市之歌豔奪瓊花人如連壁風傾玉樹篇擬十香洵足
單行允推敵手僕夙愛敲詩祇慙度曲遇鄭國之雙環難分甲
乙瞻豐城之兩劔莫辨雌雄特借青鏤聊充紅豆盼登場之何
日笑畫壁之徒殷惟才儁袁宏自移情於謝尙故歌傳子野因
見賞於王猷

讀書堂綵衣全集卷二十

讀書堂集卷二十

五

浙江書局刊

河陽趙士麟玉峰父著

受業宋元徵輯
男 宸黼編

卷二十一

墓誌銘 八首

翰林院編修沈耿巖太史墓誌銘

嗚呼岱瞻其去子席而歸太史公膝下者曾未數月一旦公訃音至子痛之且遣使走三千里以誌銘傳請子何敢辭按行述沈公諱珩字昭子號耿巖海甯邑東鄉之海汾里先世德清人宋建炎初樞密忠敏公諱與求扈蹕至臨安遷臨平再傳而干駟公遷海甯之鹽倉累傳至贈公而莫公諱兆廣刻志讀書研

讀書全集卷二十一

一

浙江書局刊

又三三

精春秋三傳年二十五早世公甫三歲贈朱太孺人母儀閨則為士女宗冰霜之節歷五十餘年旌揚之贈公彌留日眈睇

而自以手約之曰好一枝玉簪蓋言其質之縝密而矜貴也稍

長出就外傅性警穎嗜學體素羸承母教勿少怠十歲為宰舉

業輒見知先達諸名家十五補弟子員十八論交當世同人於

當事座中有辨及異同者公矧然曰今日當論邪正不當論異

同聞者縮舌會里中揭竿索餉宗人憤之公躡足曰此不可以

憤為也憤則無類矣佯與之約餉千金卒擒其魁識者知其器

識不凡云孟津李僖平公視浙學搜奇俊會選拔拔之戊子秋

試不第僖平搜三場卷藏之曰使吾後人知天地間有此種文

字也洎入都 廷試第二庚子登順天賢書甲辰會試以策論

取士公曰生平學古此其時矣遂冠冕南宮 廷對擬一甲第

二旋更置二甲一名館選未與念朱太孺人歸不忍違奉養日講求理學經術諸書十餘年間巖泉嘯詠未嘗以得失介懷乙卯長安與公有通家誼者欲得公朝夕論文爲援授中書候補丁己分校北闈得法燾等六人皆恆物望戊午詔舉博學宏詞宰相高陽寶坻益都三公合疏薦之己未御試授翰林院編修纂修明史傳述論贊有史館三長之目辛酉召宴瀛臺賜文綺表裏及蓮藕恭進紀恩詩六十韻八月簡用順天副主考與歸修撰惺崖交相砥礪誓不負朝廷得王元介等一百六人皆知名壬戌元旦賜宴內廷恭進聖烈頌六月以疾乞歸卽舉先贈公及朱太孺人葬丁卯恩頒救命兩世並荷寵榮焉生平素凜繩檢日閉門息機以窮經研理爲務於邑東之龍山講太極圖說顏淵問仁二章于齊安講白鹿

讀書全集卷第二十一

二

浙江書局刊

八三

洞規於武原之學宮講西銘繼講河圖洛書中庸首章洪範疏義於本邑學宮又著大學經文發疑先後講學惟欲學者於日用事務間求知力行之要闡明濂洛關閩之傳著述已刊者其耿巖文鈔初集二集龍山齊安諸會語詩集甲辰策稿時藝小問篇曉集六子初集二集三集慧居兩生草諸種其未刊者則有棲遲草宏詞草投閑草消夏詩談稼邨偶見稼邨緒論雜說尺牘存稿時藝稿自訂年譜諸種所纂輯者於經則十三經文緯外孝經通解周易精義書禮篇義詩經疏義集要集註精義學庸或問纂大全撮要諸書於性理則有性理纂四先生學約纂明儒言行錄鈔諸書於史學經濟則有文獻通考纂明史要略明禮考評案筆記諸書他如史遷班固昌黎盧陵三蘇以及漢唐諸家暨有明景濂希直升菴鹿門遵巖震川歇菴楓山

姚江崆峒弇州諸家古文古樂府唐詩賦臨川宛陵東坡諸家
詩明九家詩先輩諸大家時藝下至養生岐黃家言皆有纂輯
又有見聞隨錄玉林說苑屑金隨鈔雜組選膏腴餘詩人遺事
諸種雖片錦寸璣咸手鈔存笥蓋一生之神力畢萃於簡編學
行中無一刻之暇逸也公生於明萬曆四十七年己未二月十
三日終於康熙三十四年乙亥七月二十一日享年七十有七
先配朱孺人繼配祝孺人生子一嵩士桐鄉廩生女三配適別
載

銘曰湯湯東海篤生鉅儒於惟厥考刻志讀書公甫三歲遠卽
松梧猗歟節母舍荼撫孤出就外傳迥與眾殊温恭淑慎僉曰
鳳雛迨年十五頰宮先趨交遊嚮慕千里驅車孟津視學桃李
茶鋪經明行修獻之天衢跌宕文史磨礪以須奏捷太學名

望臺全集卷二十一

三

浙江書局刊

870

播寰區甲辰取士帖括頓除意崇實學一變其初公居榜首文
爲世模言念發母亟返里閭廣求百曉晨夕親扶巖泉嘯詠忘
情簪裾會補中翰分校京都得士者六有璠有璵 皇朝徵辟
降 詔荻蘆無分仕隱淵雅斯資叶相國交薦 天子曰俞爰
用詞賦試之石渠居以玉署佩以銀魚 國有大典汝其是謀

叶朝有鉅製汝其是求

叶荷蒙

錫宴文綺與俱恩以頌紀

情以詩臚廢臆之盛姬美唐虞辛酉主試譽洽歐蘇悉網麟鳳
否亦珊瑚幽燕得人孰有加諸公性恬退乞疾歸休叶經營窳
窳以妥靈輿 龍章旌表遠近驩呼公無他嗜與古爲徒六經

子史以佃以漁明西銘旨講太極圖拳拳矻矻不負三餘矧白
時藝以至說郭黜浮崇雅各得其歛書必手錄錄必研朱老而
彌篤亦已忘劬後學追仰徘徊故居山川之秀其在斯乎公有

令子才似庾徐將謀梨棗以垂海隅敢藏名山聊以自娛

明兵科給事中雲岑李公碑銘

雲岑公者諱毓新字喬之海鹽人崇禎乙亥拔貢入北雍舉丙子順天鄉試丁丑成進士任潮州府推官陞兵科給事中其先孟瞻公祖衍字原白本河南人元末官嘉興路副總管因家鹽之苞溪孟瞻學淹博爲嘉興訓導調汝甯訓卒著有南莊集子景南景孟孟甲戌進士知莆田政有聲編皇明正音若干卷景孟子滂鄉舉令蒼梧孫儒烈嘉靖丁未進士歷閩僉憲景孟兄景南有孫星以孝廉令績溪星之孫正華淮安教授曾孫卽公也公殉身於崇禎之乙酉歲今越五十年矣子登瀛以明經授四川梓潼令於燕邸屬同里學士徐華隱公請銘於余弗克辭闕行實抽尋往蹟睹於時事則深歎國士之難焉啟禎初卽有

龔臺叢書卷第二十一

四

浙江書局刊

06114

烽燧猶之驚電颺風倏起倏滅士大夫以爲不足憂於是左干戈右文墨與時恬嬉日有餘快斯視軀重矣及流氛猖獗中原鼎沸大城危小城陷血塗草野彼仗鉞登壇者豈少乎卒莫有誅戮俘馘爲國抒患者則甚矣狗國之難也夫保軀之與狗國不可同日語矣士不免蹈此何耶守內才豪不可勝數非得宏博強毅之士邁雋逸羣之才有鞭驅千里之氣能指陳經緯張弛之略大振作新則精采不還國威不伸游世路者徒環轉脂隨喪厥本性耽幽寂者欲蟬脫塵壙高託林泉則信乎保軀之士矧而狗國之士鮮矣卽有一二慷慨感激者出思欲披紛解難而智不能照謀不能先所失則庸又或保祿愛身憚禍求全所失則懦以余聞於雲岑公聳額深目巨口長髯下筆數千言立就坦衷直腸慕古忠臣烈士之所爲在岸岸重在雍雍顯聯

潮鄉會名振 京師豈非以其沈雄具大略不僅才藻華茂著
作繁富如尋常詞客風人者流也旋除潮陽司李時海內寇攘
潮濱海東界閩南盜賊充斥公守廉潔聽斷如神上官察其才
令兼攝四象癸未惠潮山寇伏莽於烏禽嶂黃沙寨康禾小溪
諸處兩廣總制沈猶龍合各郡兵會勦公監軍務條議十二策
一曰選驍將二曰定期會三曰合兵力四曰練火器五曰設埋
伏六曰出奇計七曰足食八曰嚴賞罰九曰搗賊巢十曰禁擄
掠十一曰練鄉兵十二曰弭訛言皆切中勦撫機宜所向奏功
是年冬署肇慶府事楚寇震鄰賀寇鳴張制軍移鎮韶州賊攻
破開建肇風鶴屢驚公至下令安民刻日恢復開建隨令西粵
兵五路進勦賊首就擒餘黨悉滅惟楚寇正熾陳策制府乘其
不備急擊連復楚城十餘粵境以甯適惠藩避亂於肇護衛不

肇慶卷第二十一

五

浙江書局刊

五

戢居民罷市肇兵與藩兵格鬪幾以藩獻賊公徒步行間曉以
大義兵民胥悅迎藩入城而肇安未幾閩賊姜世英統眾數萬
突入黃岡攻饒平大埔郡被圍軍書至公建言制府請兵前勦
允之卽委以監與參戎趙千駟疾馳至惠來賊聞風遁惟興甯
橫坑下洋各賊首黃歷元等擁眾焚劫公解潮圍慰勞畢卽移
揭陽與趙籌畫前後大小四十餘戰並捷賊首就擒復計擒閩
賊姜世英餘賊盡散潮平奏捷優敘行取方東裝逆闖犯北都
陷冬由潮抵南授兵科給事中數上封事忤馬士英不報出之
巡江甫至江而軍民盡已解體遂歸未遇亂兵與故冢宰徐石
麟殉身死於城南次子庠生名禎先抱父屍同死嗚呼豈不謂
烈丈夫哉致命遂志奮不顧身誠以狗國爲榮保軀爲辱者也
浩氣英聲振於殊俗詩書千櫓中能數數見歟他如飭廉隅守

儉約任德化嚴請託禁私派剔奸弊則生平之介節也慎刑名恤窮黎矚奇冤斷疑獄清錢穀釐兵餉則治潮之大概也籌勦撫明紀律排患難解紛紜消水患弭火災則歷仕之惠政也可謂不負所學矣公生於明萬厯庚子九月卒於乙酉六月享年四十六歲配蕭孺人培竹公女後公二十六年卒享年七十餘淑德懿行載狀中子三長裕長嘉郡庠生次禎先嘉邑庠生同公殉難三卽登瀛所生及配別載銘曰

奕奕李氏興自戎功而籍苞溪歷世昌隆厥有顯者德不以官孝義直方績著爛焉粹侔之玉芳比之蘭爰及於公宏識偉度赫赫奏功肩大以素時也不偶有霖未傾有璧而碎有珠而隕譬彼梓材蠹齧霜摧斧斤再尋茂維艱哉生有三雛一雛同湮一雛鳳舉聿振羽翰來遊 帝里言陳肺肝徵黃絹辭用光壤

臺臺卷第二十一

六

浙江書局刊

各三川

泉嗟余蕪陋鉅公來委卽言以敷圖惟弗刊鳳拜稽首且欣且哀涕下汎瀾隧首有石牲來繫之勒詞於腹永永在斯

陝西分守涼莊道參政西嶽崔公墓誌銘

歲甲子 上諭滿漢大臣會舉天下廉能官員以備擢用 廷

薦者七人推揚州太守崔公爲天下清官第一兩江總督缺公以郡守得列會推從來未有之希覲也余時撫浙聞而訝之曰此必素履潔清操持嚴毅者也又必雄才肆應利犀斷物者也然廉者必刻律已繩人或過爲矯激者也才者必矜揮霍震動殆鈞耀一時者也不則始終易渝豐嗇異致者也常變殊施衰壯岐效者也公大不然越一載兩淮鹽法道缺入 上念此歲

課攸關非其人則善剝諸賈飛府庫財安得狷介如崔某者乎咨嗟久之卽以公充蓋欲留公大用也公受 命值三逆叛亂

軍興旁午不得已加勦加課輸稅木振淮揚饑咸取給於商
困甚行鹽引窩求售不得有棄本業而他徙者公一意撫之以
寬權宜變通令先行鹽後納課俾得息肩行之數年商本稍裕
有起色矣又察鹽運之壅病在私販公嚴禁得疏通他如培課
源足國賦除加耗蘇商困濬河築隄振竈恤丁兩淮戴若慈
母此皆分內事夫鹽利藪也乃纖塵不染如入郇公之庖五味
全刪親太倉之粟枵腹而處此人所難越一載丙寅余調撫江
蘇公來謁始識公面德盛而禮恭謙退不伐古貌樸衷訥訥然
如不能出諸口望之甚平易余敬禮之且驚曰先生何以赫赫
然聲稱震天下哉公歉仄遜謝乃知公固有道君子也當其守
維揚也一惟潔己奉公革陋例公振穀嚴地稅建義學掩遺骸
安插災黎振濟饑民平訟獄之冤鋤強暴之首諸政詳於行狀

讀臺集卷第二十一

七

浙江書局刊

不可縷述若夫取與必嚴一介茹檠飲冰正己率屬其大節彰
著清聲上達豈一旦之故哉再稽行述公釋褐後授浙江開
化令開俗健訟公宣講上諭十六條委曲開導人悔悟以訟
爲戒邑大旱螟蝥傷禾稼民饑公設法存活無算歲甲寅耿逆
叛勢甚猖獗邑南墾戶多闖人皆豎黑旗以應賊踞龍山源中
城守千總吳正復萌異志賊魁馬朋等果驟至吳正應之遂入
開化公先移保十六都集部民勇敢鄭大來等招義勇團練擊
賊於石門大破之賊遁入城安輯爲固守計賊再寇再擊之死
相枕藉自是賊心膽盡落無何鄰邑常山陷公念孤城無犄角
乃退保遂安帥兵士由遂安恢復生擒渠魁謝某父子斬之八
月王師分道並進直趨閩省公督眾搜勦鳥飛獸散爲集逃
亾撫瘡痍請蠲請振休養生聚次第舉行贖回難婦千餘口民

感泣爭肖像祀公丁巳年總督李公紀敘軍功首推公 上覽
奏嘉悅 特賜優敘擢陞揚州知府云公諱華字連生號西嶽
直隸真定府平山縣人系出山西之馬邑九世祖諱峻遷平山
卜居城南王子村力耕課讀以忠厚傳家五世祖諱崇元博學
有文名明萬厯己卯登賢書屢上春官不第遂閉戶著書高祖
諱國治以明經任山東臨邑少尹多惠政曾王父昆弟四人長
諱懋學文警甲於藝林八試棘闈未售以明經終生王父一人
卽 誥贈中大夫慎吾公也孝友忠誠根於至性公兄弟五人
公居五幼穎異甫五歲慎吾公以梨餅授之必整衣冠拜而後
受慎吾公心器之常摩其頂曰異日大吾家者必此兒也戊寅
之亂變出倉卒父見背時公方七齡登第後每念及此輒泣數
行下以老親不及見爲隱痛幼旣孤賴 誥贈淑人母謝茹苦

臺臺叢書第二十一

八

浙江書局刊

卷之八

撫訓成立執業於伯父凌岳公公朗悟伯又善誘掖啟迪之已
丑補弟子員丁酉領鄉薦己亥成進士公仁孝性成痛父亂中
藁葬第後庀美材整殮具重葬成禮而後封植事母定省承歡
能以色養居憂哀毀骨立於昆弟相友愛事伯如父禮文宗八
大家喜藏書謂子弟曰吾拙宦幾三十年無以遺汝輩能讀父
書足矣雖在官手不釋卷公暇卽肆力於詩歌古文辭所著有
公餘詩略及四書課兒講藝諸書尤慷慨樂施里歲歎食草根
木皮公盡出囤谷分給之守揚日建育嬰堂按日資以廩給活
嬰兒甚多於金山險渡設救生船歲終給繫囚錢交友以信馭
下以寬歷兵戈履盤錯心血爲枯積勞成瘁癸酉三月報陞陝
西涼莊道參政一疾遂不起商民罷市焚香慟哭者三日非甚
盛德何以感人至此公生於明崇禎五年九月二十日卒於康

熙三十二年六月十四日享年六十有二初令開化 敕封文
林郎再任揚州知府 誥封中憲大夫三任兩淮鹽法道 誥
授中大夫涼莊未任元配武氏所生官封姓氏詳於行略俱不
贅繼配郭氏又繼配今賈氏俱 封贈淑人側室常氏公子三
人長岱齊甲子拔貢候選主事郭氏出娶葛氏繼娶徐氏繼娶
胡氏次繼齊庶母常氏出娶馬氏次萬齊庶母常氏出幼未聘
女九人所適載行略孫男一人允臨幼未聘孫女一人幼未字
俱岱齊出公莊敬宏毅不欺暗室於不潔一無所屑益以寬和
爲運使諸商以羨餘若干金請致公拒弗納一商私販檄鞫懼
罪暮夜以金獻公叱之予謂公清於開化擾攘之餘易清於名
郡紛華之地難又清於繁劇要衝之區易清於財利山積之日
難昔貢禹有言居官而致富者爲雄傑處家而得利者爲豪雋

讀臺集卷第二十一

九

浙江書局刊

夫漢之俗尙近古然已如此又何責於後世之靡靡者乎蓋公
儉樸而寡欲糲飯敝衣處之淡如卽在仕籍亦然易簪之日無
長物圖書數篋而已公資於身者薄故繫於物者輕斯能入泉
流而不留甘澹薄而不厭如是而世能攫之者寡矣故能不苛
不矜貞於始於終於常於變於豐於嗇於衰於壯而一之豈恆
情所易企哉公之令嗣卜葬公於某地葬以卒之某年月日來
請銘於余余曰廉官可銘也因敘論而銘之銘曰古道淪亾潔
者寡得車彌多舐彌下如蠅集垢撲不捨廣陵煙花都且冶鹽
筴泉流湧如瀉甘山司珍盡苞苴泊然不繫惟公者眾注以金
獨以瓦百年攸德在茲也

封翁信山胡公墓誌銘

公諱彥字翁生號信山別號愧林按行狀先世自元江西行省

參知政事諱福始二世祖諱炳南以五經中元進士不仕與同時高士楊九萬李益公焦恂儒毛文伯偕隱於郡之林尖山時人爲之語曰楊李毛焦胡燕山五丈夫及卒元賜配饗劉因諡文範公公號愧林自謂有愧於林尖也三世祖諱戴登明初吳宗伯榜第仕終河間二尹四世祖諱質明初光祿少卿五世祖諱崇明錦衣將軍六世祖諱世臣以萬金產讓弟見邑乘義士傳高祖太學生少菊公諱九德曾祖諱忻號仁齋明太醫院院判祖蓋明公諱向化登天啟辛酉賢書任終山西恤刑刑部尚書郎治獄多陰德全活矜疑者八十八人載晉讞誌有丈夫子二人長卽公文木生公諱穆以恩選初任上林苑署正年甫三十終無嗣原任湖廣布政使絹菴公諱戴仁承之木生公文章詩賦名於時疾篤對公泣曰有嚴父賢兄在光前裕後有人死

鹽臺集卷第二十一

十一

浙江書局刊

古文

可瞑目獨絕嗣傷心爾言之哽咽公曰吾二子擇而立之猶子也以長子不爲人後公引戴仁公至前拜哭木生公曰吾今可含笑地下矣遂卒蓋明公以麻木呻吟牀榻公以孑然之身色養於上教育諸子弟於下甚嚴迨各成立絹菴公筮仕粵東香山令又明年兄存仁仕粵西忠州同知卒於官一子海士亦四十而亾公痛之公固長者生平孝友備至忠厚傳家功勞無施樂善不倦公施棺焚券弔喪問客救人之急容人之過揚人之善成人之美待親友敦大與鄉里族黨甯失之厚不失之薄教家清白治喪不事浮屠他如修先賢祠虔祭靜修先生及配饗公後學嚮風興起增封四百年來祖塋成大塚捐賀園基擴文廟櫺星門外屏牆修兩坊規模宏厥隨中鄉試者五人會榜二人人皆謂增修之應又修楊忠愍公祠創孫徵君祠建恤刑公

祥刑三晉坊於白溝以宗人漸衍購地別置佳城家廟在園屯
內不便祭掃另創於東塋悉載行述中不詳及前邑令馬公蜀
人一病不起公與縣尉胡君銓捐購美材存之不令知馬公臨
危窘甚問後事於胡乃告之就枕叩泣曰吾何德於胡翁乃蒙
此以公素不入公門故也數千里俾櫬還咸公經營焉其仁愛
如此公好學淵博七上公車不售多著作於潼關署中編煙月
堂家集八卷選詩文四卷刻合青草諸書畿輔多士咸以公爲
文獻比之郭林宗徐孺子焉令嗣緝菴公雖出繼歷仕七任或
就養或家居時時以古循良名公卿勉緝菴公寬而不苛簡而
不擾清而不滓緝菴亦奉教唯謹以廉隅自飭平恕存心故在
香香頌在潼潼頌先於楚督糧賦足民裕繼於粵司臬平刑釋
冤後於楚作藩恩膏淪洽柰值夏逆猖獗子身避難府庫一空

讀書全集卷第二十一

十一

浙江書局刊

至今交盤被累弗克回籍聞訃哀毀於鄂渚間其嗣君名范任
陝西山陽令應陞來候補并營葬事卜吉某年月日持尊人書
幣謁予請銘以予曾蒞容邑知公深故也予惟天地淑清之氣
時得之而爲春日得之而爲煦風得之而爲薰皆所以長養萬
物其化至密其用至醇其在天德也則爲仁爲惇厚之化爲無
言之教備其理者在唐虞爲八元在周爲仁人在漢始稱長者
其取義以爲先躬行而尚本質有長盛昌大之道故善治天下
者必貴之漢之大臣惟塞侯張歐皆以長者稱若曹懿侯之清
淨甯謐萬石君之父子謙謹不譁丙丞相之居德不伐要皆長
者之選人主用之國必久不用而俗亦化家亦昌長者之子孫
必眾盛而尚德吾於公見之矣稽公行略跡公生平何一而非
於厚不於薄其所以教子若孫何一而非寬大忠厚以刻而寡

恩爲戒故天下可以無才能之人不可以無長者不幸而乏才能焉事不過廢弛不幸而無忠厚之長者其奚恃而久安長治乎長者之用梁肉也才智之效藥石也今公長者雖不獲如塞侯等之有益當時而其遺澤之所及未始不同也公元配陰氏所生官封姓氏俱載行狀不贅子二長存仁貢監選廣西忠州同知到任未幾卒娶董氏次戴仁歷陞湖北布政使司布政使娶楊氏孫五人海士太學生卒娶趙氏存仁出滄弱冠早卒娶常氏守節現奉 旨旌表范陝西山陽知縣今候補主事娶柴氏沈儒士娶卮氏夫妻具天準吏部候選主事娶王氏孫女一許字宮簪崔玉階公次子涓源俱戴仁出曾孫九人柳介生員娶辛氏海士出具區候選國子監典簿娶雷氏具夏監生娶程氏滄出具茨生員卒娶李氏石介業儒娶王氏海士出具瞻具慶具罄具體俱范出俱幼具才準出幼曾孫女二未嫁元孫五人天官具區出冬官具夏出春官具茨出懋官柳介出美官石介出俱幼戴仁請移 封通議大夫廣東等處提刑按察使司按察使母太淑人云銘曰中世取士貴乎材智巧僞如雲非國之利無言而代不爲而成長者之功沛然難名漢祀四百將相多有匪任長者其何能久如山之常如地之容先生樂善涵以兩風善而無位所貽則長子孫奕葉列堂冠裳輔德惟天爲善惟人載具清風民俗用淳

錢塘少參三餘汪公墓誌銘

錢塘三餘汪公諱漸磐新安人也世居休之雙溪祖垵登嘉靖甲辰進士歷官福甯道參議有平倭功閩人祀之父鉉賓州別駕有子七人公與兄漸鴻敕封王太夫人所生別駕居官廉平

貧不能具二醕兄弟並食餼於杭數椽做甚知名士咸樂與交
時有雙鳳之目萬厯戊午舉鄉試己未成進士兩試具以尙書
魁授江右瑞金令會從兄泗論奉命巡方改知粵東高要縣下
車仁明端亮吏不敢爲姦邑舊有海稅權無定員自守臣至縣
佐歲資以潤恐不可得公獨辭終任不一監其事辛酉同考得
士五人多惠政乙丑陞工部主政去任民懷之時逆奄盜弄神
器流毒縉紳公居虞部旬管三殿工役日與璫人伍朝士一時
阿附驟躋卿貳公恥之絕不與通己念王太夫人年老稱疾歸
未幾正人君子並罹拷掠公獨超然禍外人以是服公先幾之
哲云乙亥陞山東學憲公慮彼時制藝務以詭僻鉤棘相競尙
於是正文體端士習杜請謁風氣遂歸大雅由齊魯而及天下
譬之泰山出雲不崇朝而澤遍九垓其勢然也迄今五十餘年

讀書室卷第二十一

三

浙江書局刊

LOI

猶誦公公正無私知人能得士焉舉卓異陞東兗道參議時兵
荒道殫殍仆相望公請於上力爲振濟民賴以生馭下素嚴重
謝絕餽遺有鄆城令某中秋餽公時壺二柄發函則銀壺也公
面盡亦亟追使者還之其清介類如此戊寅以誥誤罷歸癸未
起廢詔內外四品以上各舉所知守道李公二如薦公有曰百
鍊之剛已徵於曹署四知之凜復見於文衡人稱實錄遂復職
候補甲申馬阮並用人人爲勸駕公痛時事皆由此輩敗壞不
可復挽遂由武林挈家還雙溪杜門謝客口手一編自娛丙戌
同年毛公九華巡視安徽欲薦公公力辭亦不往謝當事重公
品行地方利弊多訪於公公因版宇初定小民易陷刑辟隱爲
申救全活者眾公子三人皆先公卒雙溪距江右最近會叛卒
流入新安執公求金長孫廷徵年十二已脫走聞變急歸跪請

於賊賊異之忽有老兵從眾中出解公縛曰此非郟城一官耶
犯之不可揮眾去公幸獲免因與諸孫避跡西湖公素豪於酒
至是猶數斗不亂諸少年不勝杯酌多欠伸狀視公端坐浮白
笑謝不能及也辛丑秋病痢易簣命請孫斂以常服覆布衾亟
歸雙溪毋事浮屠重違先人訓時觀察荔裳宋公爲公首拔士
聞訃走哭見盡室蕭然不異寒素歎息久之公天性孝友其賦
鹿鳴而歸也追念別駕悲不自勝竈仕端溪王太夫人以途遠
不甯行公寢食俱廢必得迎養署中朝夕起居然後安與兄少
長相依互爲師友旣貴宴遊必與之俱兄不往公亦不往也子
姪不衣冠不敢見不命之退不敢退雖溽暑嚴寒不少假故新
安六邑家法必推雙溪汪氏所著有四書宗印尙書宗印迪吉
錄名臣言行錄行於世享年七十有三從孫光被余門下士卽

臺壘彙纂卷二十一

古

浙江書局刊

七五

漸鴻公孫也念弟廷徵早卒未遑乞一言傳後世再拜以請余
嘉彼志古之道且稔聞公學行才猷典型尙在故爲次之銘曰
白嶽嵯峨練水澄文章華國蜚英聲端溪作宰稱廉平郎署優
遊畫省行遭世末流奄黨成鳳凰繳翎狐狸鳴見幾之哲明且
貞拂衣借隱山之岑昏霾忽散天地清東齊秉鐸文教興絳帳
高懸弟子迎冰輪四映玉衡平三年卓異遷備兵雙壺不受返
鄆城饑饉流凶滿郊垆上書請振活萬民棗旄從來忌杜蘅一
朝去官罪不明黃童白叟攀車櫺顛天借寇出中誠松菊歸來
委榛荆閉戶著書亦足榮子孫尙恂守一經恥懷短刺謁公卿
我慕清風作此銘江水湛湛江峰青

誥封馬夫人劉太君墓誌銘

歲癸酉孟春江右大中丞馬公之繼配劉夫人卒於官邸遣使

以其狀來請余爲誌銘以傳之余與公同宦武林人稱夫人賢
閔公行實皆手自敘述情文並摯質實而可信且與余夙聞同
故弗辭按狀夫人父小河公素以文學稱四箴七誠之書悉手
爲訓誥于歸後夫人才識明敏善理家政俾公竭力揣摩勿以
米鹽瑣屑紛其慮王子舉於鄉會逆氛煽亂民咸奔竄公欲攫
城自守以靖桑梓報國不無內顧之憂夫人與公謀挈家人
出避山谷間勸以人臣大義於是公得一意招募鄉勇拒守要
塞上書幕府約日渡河擊賊軍聲大振當事以其名聞於朝
署公本州牧以招撫之用曠典也三月之內餘黨悉平調守灤
州人知公殄滅寇亂文武兼資而不知有夫人以欣助之故能
建此奇勳也豈不賢哉嗣是宦遊所至夫人間從厯戶曹則勸
以會計居刑部則勸以矜恤督北權則勸以通商典杭郡則勸

讀臺全集卷第三

五

蘇江書局刊

以愛民會

翠華南巡駐浙察公廉能由太守超遷臬旋陞藩

未幾江撫缺人

上特簡公往夫人益勉公以正己爲屬僚倡

及抵署恆如爲孝廉時一切供億平價以售愈加儉約去冗僕

省浮費不欲以多口服食累公也百姓聞之歡呼載道一時墨

吏多望風解綬去江右爲四達之衢兵燹之後民皆茹竄而鮮

積聚公加意拊循務以寬大爲治每丙夜按簿書草章牘夫人

則率妾媵治女紅間課兩子學業以待左右未嘗敢一日怠後

以女病夜省視遂感風嗽然猶調度中外事如常及疾大漸啟

筐篋自命服外僅尋常絹紵二三襲餘皆澣濯數過翡翠珠

璣一無所有咸歎息夫人之儉德無不泣下易簣之辰獨囑公

養身以報君父清白以安子孫言不及私悉中大體蓋夫人

婉婉性成相公登賢書及教育子女皆合於婦道母儀此猶常

事耳余所難者當朱龍外叛時萬姓驚號空城以遁夫人獨勗
公募兵固守且遣使從間道上書幕府約曰渡河勦寇人心遂
固逆氛之氣已奪不久而殄滅無遺種公之力爲多公以一孝
廉上結九重特達之知下係朝士觀聽之望天下之人以爲
南仲山甫復出也抑知其贊成者乃出自閨閣中哉且公守灤
州夫人曰廉爲德基厚藏損志公開府南昌夫人曰人臣之不
能公而忘私國而忘家者皆由紛華之一念啟之大哉言乎足
與伊訓說命相表裏矣至永訣時聞家人哭泣聲曰吾去來無
礙若輩何必悲慟此又達於生死之理過儒人才士矣生卒年
月具載狀中茲不具贅銘曰

金明啟秀彰武凝祥篤生婉婉克相家邦賓興有典雋舉於鄉
時惟蟻賊敢爾鴟張中閨贊計哲士奮揚購求義勇效勝疆場

望臺全集卷二十一

六

浙江書局刊

上書幕府飛捷 朝堂鯨鯢授首豺虎屠腸擢居州牧贊出帷

房宦遊中外南胡車航清聞蘭省儉著錢塘食鮮珍味服多澣
裳庶無內顧得展兼長 六龍時幸萬姓頌揚 帝知召杜人

識龔黃超遷藩臬維持紀綱旋陞開府 特簡豫章夫人彌惕

中丞不遑敬陳忠告寓意勸勤惟彼奢麗棄其隄防昔也卻餽
今也贏糧以此風厲庶幾允臧公行其策民悅且康澤被五嶺

恩流九江温如冬日藹若春陽時侍邸舍忽感風霜爰呼妾媵
啟視篋筐衣惟綸翟佩少珠璫何以教子詩書是覆何以戒女

機絲是將勉公調攝報我 君王遂奔月窟遽掩星鉞子荆傷

逝安仁悼亾祇事翰墨或矜容光豈知大體焉識 王章非此

於邑云誰悽愴悠悠渭水渺渺漢疆故宮返轡素旄啟行青鳥

旣吉彩鳳斯翔百年永固奕世其昌佇觀 綸綍重賁松篁

封馬太淑人張太君墓誌銘

馬太淑人姓張氏本邑武功人也父曰承燿太學生祖曰棨孝廉永平府司理夫曰璪以殉難 贈浙江布政司參政生子曰逸姿太淑人生於名閨幼嫻婦儀班訓內則諸篇靡不通曉年十八歸參政公事舅姑盡孝夜則焚燒一燈躬織作與參政公書聲相應和徹堂上寢室喜甚參政公中甲午副車鄉貢任山東昌樂令丁內艱服闋補浙江永嘉令太淑人隨下車卽有神明之頌歲餘耿逆犯順甌城巨弁懷異謀應賊公正色折之冒白刃罵不絕遇害太淑人聞變痛哭悲悼仰天大呼卽投繯以殉逸姿年穉牽裾拜泣乃得緩須臾爲馬氏存塊肉倉猝攜持冀脫虎穴慘逆賊行提殉難家屬將逸姿解閩省悲夫寇焰薰天忠魂入地且子分編行伍亦至此極耶時太淑人在溫郡親

讀書臺集卷第廿一

七

浙江書局刊

詣僞官所陳詞泣訴僞爲之動獲遣還灑涕江干未幾 王師

南下殄滅妖氛督撫列殉難諸公名 入告從優贈卹前秩廕

其子逸姿 特賜祭葬用慰幽魂遂扶櫬歸里葬焉太淑人肅

閨門若朝常從無疾言遠色雖膺弗翟澹若布素終身茹荼集

蓼如一日教逸姿甚嚴曰夫女之績也紛紛而日治之則大帛

成安有疎慵子能成立者平逸姿奉教唯謹承廕後得謁選詔

而飭曰子行將作吏惟儉可以成廉我弗以祿養累汝往慎哉

筮仕霸州守清謹如母指五載陞刑部員外郎諄諄以人命繫

生死爲論陞兵部督捕郎中聞報告誠倍切庚午司權許墅太

淑人就之非就養也以事關邦計泉貨非渺舉古人爲關之意

面誨而親督之後竣仍歸里復 命陞浙江驛傳道一束裝南

走一遣使西迎柩何訃音至矣逸姿伏寓苦哭甚哀卽日奔歸

囑戚刑部雯濤焦君請余銘以余與迺伯江右撫軍見五公有淵源誼厥姪其世好知淑人深也投以狀狀稱太淑人生前壬申四月初十日卒康熙三十一年七月十三日享年六十有一先參政公令昌樂遇 覃恩敕封孺人逸姿守霸州遇 覃恩詰封太淑人從夫秩也男一卽逸姿娶郭氏邑庠生紹儀君次女 封宜人女一適邑庠生李世昌早卒墓在某處得吉康熙三十某年月日銘曰

維淑人先世有顯人歸於華胄並冠西秦夫子大節浩氣粼粼惟淑配德佩玉同禮誰謂閨處識超羣倫誰能優學易子克臣有聲載揚翟弟朱輪太白之丘變乎嶙嶙封土等嶽觀者逡巡生亦有盤沐亦有珍啟祚流祥麟趾振振千秋萬禩厥體維珉

祭王誠菴工部文

讀書彙卷第二十一

文

浙江書局刊

五レレ

嗚呼造物者有心耶無心耶乃無端而造厥兩大一則沖然如蓋徧覆於上不憚其高也一則塊然如坻厚載於下不厭其重也謂造此者無心吾不信也又無端而造厥兩丸一則頽然方沈於西運行不爽何不厭煩也一則燿然旋昇於東晷刻不差何不憚勞也使憚勞而厭煩焉乾坤或幾乎息矣謂造此者無心吾不信也又無端而寒矣又無端而暑矣一往一來四序不忒又無端而風以散之雨以潤之矣無端而雷以動之日以暄之矣謂造此者無心吾亦不信也何也凡此蓋爲生人生物計也夫旣生此人物矣卽宜子之以安若釋氏所謂極樂淨土蓮花品生不事耕桑衣食自然此大生廣生之德也柰何無端而又有天札疵厲又有水旱蟲蝗及水火盜賊刑獄兵戈饑饉疾病死亾也無端而又有爪牙相吞弱肉強食也淵驅魚也叢驅

爵也又無端而強凌弱眾寡利相傾勢相軋憂虞悔吝以相
攻利害得失以相危讒邪訕謗以相加鰥寡孤獨以相苦以一
人之身來百感之乘曰食萬錢者愁無下箸半菽不飽者走死
且窮長貧賤以終身拔富貴而驕人盜跖壽考顏子早夭郭況
金穴范丹釜塵臨流論囚水赤燐火戰場邑青長平四十萬同
時而坑東海五百人赴義並死造物者有心耶無心耶謂有心
歟吾不知人物何罪而造物不仁罹此極也當造物者之所不
能解者也謂無心歟吾又不知造物何勞勞碌碌不憚其煩而
生此人物徒荼苦無益何爲也當亦造物者之所不能解者也
王君予丙午所錄士也少失怙恃作諸生苦應計偕遭變於江
右爲賊手刃已死復生苦久之博一官令沂水爲政有聲廉隅
刻厲妻子不自給又苦幸行取歷官工部員外日飲冰勤厥職

讀臺全集卷第二十一

九

浙江書局刊

又苦司空六堂以賢能薦引 見方大用次日卽病越七日而
死先數月長子及媳死僕人男婦先後死者十餘口遺幼穉子
女四人及繼室次第復徧病久乃起留滯邸寓欲扶輓歸不能
至是則苦甚也予經營且窘乏予又苦嗟乎王君固善士也言
矩而行方清修而勤職造物者仇之耶適然耶有心耶無心耶
何爲而至此極也吾問之造物當又造物之所不能解者也造
物旣不能解矣予又何必言耶哭耶毋惑乎釋氏老氏莊周之
徒說空說懸言養生達生之反爲窺見一斑也茲執斗大巨觴
酌君以酒君若有知其笑而飲之飲而樂之吾斷斷勉力俾君
及多口歸爾黔里不必區區戚容攢眉作頰人態酸此孤兒孀
婦於幽堂爲也尙饗

宋志梁校

河陽趙士麟玉峰父著

受業劉凌雲輯

男 宸 編

卷三十二

詩五十七首

此日不再得和楊龜山詩 癸未年十五

殖穡先殖核藝樹先藝桑君子貴端本庶不負穹蒼所以德成
 後篤實有輝光人生七尺軀含靈秉陰陽蹉跎悔無及必求造
 道方造道先義利辨晰在微芒誠能敬持之動靜罔不臧炯炯
 徑寸心勿使物欲戕譬若獲嘉穀殷勤去秕糠此心苟無逸乃
 可論行藏幸生古人後典籍挹芬芳力行固貴果矢志亦貴剛

日予年十五晨夕自傍徨去日雖尙少來日正苦長孔孟爲吾
 師詎數列與莊設科首德行初不競詞章輒近慕紛華役役聲
 利場學古縱有獲毋乃類公羊子情未漸染庭訓敢寐忘恩境
 有順逆學人當自強試觀持篙者涉險無危航富貴不可求貧
 困亦其常百年終有盡道德永不亾此日不再得忘棄良可傷
 勛哉予小子一念分聖狂

讀書堂綵衣全集卷三十二

一

浙江書局刊

勵志詩

惟民有九職與我詩書遊命哲自初服養正在蒙求聖學務時
 敏研窮苦不周示我以要道迪我以遜修自從趨里塾始信志
 力優企懷推甯越庶幾與之侔人臥吾勿臥人休吾勿休蓬心
 或開美面牆能無憂

我本儒家子先世遊河陽遭時多坎壈不得歸建康山川萬里外渺若參與商中葉漸式微力田務耕桑家風崇樸茂行誼重一鄉大人幼輟業雅志在縹緲趨庭荷提命樹義何煌煌造道固有序進德亦有方

其三

登嶽自岱山導河自積石凡物各有源矧其嗣聖業聖業期厥成勿忘亦勿躡優游歷歲時久之自融洽百家繁然興競與吾道敵幸爲孔孟徒言動罔敢越日星中天明燭火於焉息少成若天性千古洵一轍

其四

周末學術異醕儒亦云稀漢時江都相唐代推昌黎宋興周程出新安得其歸門人遞紹述議論各參差有明復繼起相與表

臺臺彙卷第二

二

浙江書局刊

章之屈指鄒魯後正學良在茲予生處荒遠私淑甯敢辭年力苟不怠聖賢洵可爲

其五

人生德未定懼爲物欲遷性靜如止水情動如汎瀾節情復飭性當佩韋與弦所以古君子匪徒事簡編監史在其側几杖銘其前幽獨不敢苟一敬遞相傳但得葆中和位育亦已全其功
續以密迥異二氏筌

其六

五方各異宜因時可善俗琴瑟有不調更張方能穀聖賢日皇皇豈其志于祿悲天而憫人將以展所學王道本人情力田尙澆樸誠心金石開矧與子同屬規模務遠大庶爲蒼生福近則形詠歌遠則配河嶽

其七

立言與立德兩者恆相需設施不在我著書亦足娛所貴闡大道閑邪衛隆汙朗朗如日月浩浩若江湖理足氣自生波瀾互縈紆後世本不立文質交相瘡瑤花與琪草曾何異朽株大文故彌樸宇宙賴匡扶

其八

春秋凌已馳雙輪不停軌白誓美少年轉盼成老醜老醜非予悲失學顏之忤舜跖豈殊途千里毫釐剖矧予尙髫齡思自任稂莠父訓與師傅仔肩不容苟惜寸先惜分敢居大禹後努力事詩書庶足酬高厚

哭先慈

甲申時年十六

貧家婦難爲爲母亦荼苦隻身炊屢屢尙復事機杼側聽兒臥

臺臺卷第二十二

三

浙江書局刊

X 6 5

嗚嗚鳴誘以孔父母天地恩不惜辛勤撫余年十六齡未與成人伍追維母氏劬心力費幾許夫何四十春支離委黃土搶地復呼天椎心心寸腐母顏日已乖顧父淚如雨

沙彝亂

乙酉

滇南在天末屬彝賴羈縻此輩習尙殊撫馭貴及時弱則懼然伏強則擾邊陲承平日已久叛亂起沙彝鄰賊攻吾郡比屋出守陴殺聲連四野慘戮及烝黎守令茫無策臨衝面面圍飛鳥不敢度薄暮神鬼悲居此危城內一命輕如絲

流寇入滇

丁亥夏六月流寇犯我疆兵戈起倉卒官吏接踵降哭聲動天地日星慘無光老少各逃命道逢虎與狼四境恣殺掠金帛滿路傍劫我作奴僕束縛慮逃亾舉步或稍緩鞭笞痛莫當箐林

影昏黑傾跌心愈慌惟期免敲撲那顧鳴空腸暮夜集村鳩炙
酒烹牛羊兇鋒有萬狀喧呼擁平岡醉後劓別人血肉濺我裳
有時劓孕婦男女貫旗槍求生固已矣求死亦不遑夜半人馬
寂脫身匿叢箐一步一驚顧暗地呼穹蒼狐兔起蹊隧徬徨親戚
成行躊躇奔城郭呼繩縋堞牆攀援似猿猴四顧殊徬徨親戚
聞我至城頭問審詳朋友聞我至隻手相扶將父母向我前拊
背慰我方坐定復移時始知身未亾努力去守陴安能進酒漿
但得其相保吾親亦永康

吳先考

年十九

昊天素仁慈呼籲聽不隔而今獨不然我生罹其厄寇氛猶未
甯我父長棄擲值此兵燹餘衣棺出倉猝我父力行仁閭里被
恩澤避亂匿羅藏名山深道路僻族人盡逋逃租賦恆缺額踪

讀書臺集卷第二十二

四

浙江書局刊

跡忽及之榜笞任所畫子出父號呼父執子悲咽父子嗟何辜
而乃受毒螫熒熒子繼母鳴嗚深痛惜猶幸骨肉完飢寒耐朝
夕胡爲忍棄子容在音岑寂不如桎梏時撫摩猶可得遠近父
老來揮淚同涕泣燭滅忽又明陰風穿破壁

天雞

天雞五色毛飛鳴向扶桑紅日躍滄波照耀遍八荒行天無停
晷雲霞繞其傍幽崖呈麗景萬象盡輝光寒谷有餘春草木被
榮芳銜轡何西流曜靈無顯藏

曜靈

曜靈無顯藏千載永相望隆冬有肅殺春風自飄揚日新德何
盛富有業斯彰盈虛互相嬗倚伏亦非常怙恃同棄去孰輓彼
青陽

襍感

天下形勢首秦楚其次燕齊稱雄武兵強馬壯地上腴扼吭拊背誰能拒滇南僻處天一隅莊躑躅當時啟道塗自是長居玉斧外元明始得登輿圖山川遠獐獍異天下未亂滇先亂天下已治滇不治西平嗣守三百年文物聲名多富麗因之人號小江南蒙段歸朝比帶礪啟禎之代紀綱衰碩鼠興歌蜚鴻哀況遇沙夷首倡亂搖蕩邊陲流寇來虺蛇徧野蟬蚍聚金馬碧雞生草萊生草萊恣煨煉萬里蕭條南北判聞道 眞人起東方已救燕齊秦楚出塗炭

山川極目盡塵埃白馬黃巾逐隊來惟有野棠開又落更無檐鳥去仍回巴渝雁斷烽煙急城郭人稀鼓角哀寇至慙非荀巨伯卻教桑梓委蒿萊

龔臺全集卷第二

五

浙江書局刊

滇南亦是版輿地蟻賊披猖異遠方縣吏催科填犴狴將軍奮臂怯螳螂豈眞棄置河湟外一任憑陵熨爨傍誰使萑苻至此極遙看城郭晚蒼蒼

年來民力已無餘況遇干戈擾里閭鵲蚌爭持終失利鵲鳩占據少甯居荒江乏米從何負亂世無書可帶鋤投筆欲從班定遠好將韜略問穰苴

深山暫寄一枝棲虎豹窺門跡印泥路僻斷煙難乞火村虛落月不聞雞競傳下令搽巖谷獨倚殘更聽鼓鼙母子相依爲命久蒼天垂念亦含悽

昆明連歲悲戎馬四野磬磬鴻雁愁日月雲霾昏似夜山河蕭瑟冷於秋雕梁紫燕存空壘畫閣紅英綴淺洲賸有唾壺今已缺那堪重擊此荒邱

銅鼓山前列熾驚中心日夜若懸旌頽垣望斷親朋信做服難
攀荆棘行讀史每傷青犢叛感時惟冀赤眉平亂離祇覺乾坤
窄耿耿寒宵坐到明

夕烽

城上風煙殺氣橫側身南望旅魂驚雖非函谷經旬火也似甘
泉立馬明郊野蒼涼騰雉兔人民奔竄隱榛荆徘徊日暮傳烽
急草木遙看盡是兵

蟻聚吟

炎炎勢將灼涓涓成大川君子貴慎始撫字不憚艱賊首本饑
民激之使有然
楚豫初蠶起延入我滇中勦撫一失策誰能攫其鋒不慮賊滅
難但憂民力窮

讀臺全集卷之三

六

浙江書局刊

儒生弱無力乃爲黃巢役手足盡胼胝猶受鞭笞責夜月影朦
朧殺人濺飛血

林花經驟雨零落不成春蓬首含芳姿其如命多屯網羅布四
野雉竟殞其身

吁嗟期門士逍遙鮮行伍臨陳怯如羊遇民猛逾虎弓刀日在
身敵來不敢拒

滇南無完室撫綏藉上官催科恣敲扑吏人皆虎冠流寇復繼
之淚下如沈瀾

雨聲

蜂蠶紛飛滿市屢何堪細雨復纏緜羈縻棲頻墮貧人淚永夜偏
從愁耳傳點點衝殘鳥鵲隊聲聲驚起白鷗眠久拋翰墨無由
賦不信心閒有漏天

鳥聲

繞樹尋枝無地安
烏鳥哀怨曉風寒
城頭未許將雛樂
屋上終悲借任難
紅柏荒村隨上下
青陵古榭共盤桓
忽思乳哺無由報
一夜楓林葉盡丹

蟲聲

秋來月色散藤蘿
曠野哀吟在淺莎
乍聽高低如有訴
終憐悽惻不成歌
薨薨簷外疏燈暗
唧唧牆邊落木多
最是凌晨星散去
恐驚樵採到巖阿

角聲

城頭清漏漸將終
畫角寒生廣野風
思婦夢來千里外
征人淚盡五更中
黃沙歷亂迷衰草
粉堞欹斜叫塞鴻
豈獨少陵悲永夜
荒山對月影朦朧

讀臺叢卷第二十一

七

鳥聲

巢傾室毀待綢繆
松柏摧殘過客愁
豈少飛鴻棲灌莽
惟聞小鳥弄啁啾
非絲非竹穿林出
如慕如疑隔院流
怪爾兵戈都不管
曉來紅日喚鉤輈

雞聲

綠林嘯聚勢如焚
雞犬無存陷寇氛
旅舍自難容越石
雄關豈有逸田文
山深靜待寒更轉
徑仄遙從落月聞
欲訪桃源思避世
無心窗下話殷勤

三十初度

戊戌

嗚呼年三十亂離居
其半豺虎日縱橫
倉皇無所竄鞭箠
隨其身出入受羈絆
屈指一旬中
饑腸何時飯
怙恃忍棄子
怱然就隴畔
兵荒乏禮儀
終朝淚洗面
拷掠死復甦
弱質任鍛鍊
天道

自無私至此焉能辨沈河河不流投纒纒忽斷面目固已齧形
容亦盡變況予復喪偶悽惻誰爲伴生則如飄蓬死則若枯蔓
王師何日來救民出塗炭

采薇歌

采薇采薇山之曲井里蕭條山容禿山容禿心如懸望 王師
來自燕

采薇采薇溪之澗士女驚奔溪流斷溪流斷目將穿望 王師
蘇我滇

習騎射

秋日平原淨驅馬郊外行草淺狐兔伏天高揚饑鷹弦開鳴霹
靂獵獵四蹏輕盤旋陵谷閒上下如飛騰雖非穿楊技雙翎墮
青冥感念余同志抗懷三代英

龔臺叢卷第二十二

八

浙江書局刊

三代無兵農井田聯什伍出則爲方召入卽爲申甫耨鋤嫺止
齊隱然成一旅不知何時分風尙異於古武夫鮮識丁文臣難
禦侮逮乎世衰亂往往交相瘡遂使寇盜侵揭竿起荆楚
荆楚遭荼毒蔓延及晉秦每假受撫策變亂出逡巡誰能遣一
矢轉鬪立功勳饑民悉脅從猖獗異所聞痛定復思痛天地應
慘悽予也習騎射遇者皆奔馳意欲殺蟻賊還以慰瘡痍
瘡痍盡歡呼此事出意外少小熊虎將能使流寇潰四郊得耕
桑一旦安且泰大勇非氣矜所養在其素小敵見之怯大敵斯
能赴夙昔慕袁宏兼才天所賦上馬殺賊奴下馬草露布

別友人

首夏與君別杪秋忽逮茲天道有變易世事安可期孤鴻暮南
適噉噉聲何悲感物惻我衷各天悼乖離藹藹華山遊夙昔相

追隨嫵婉非恆情結義良在斯驚飈吹飛翥條爾東南馳安得
蕭蕭羽奮飛從所思

爲金甯免鑠抱玉崇其身賈生豈不美奔置湘江賓仲舒遷膠
西三策爲之因賢豪恆屯蹇蛾眉召妒嘔之子走昆明抑鬱志
不伸古來多悲憤非爾獨沈淪蓄德固無匹揮翰亦絕倫令名
旣無虧得失焉足陳

佳人遊西邇言在赤霞岑高視天宇外長嘯揚哀音前臨點蒼
曲洱水清心神神理悟變化何浮不有沈幽懷自茲永仙侶相
追尋朝騎白鹿遊暮采瑤華吟儻遇雲中翰願以遺同心上言
結永好下言保芳馨

同人集龍岡寺

龍山曲抱龍岡寺波濤光搖碧簾文幾度笙歌喧極浦廿年踪

讀臺金卷第二十一

九

浙江書局刊

跡歎浮雲狎人鷗鷺飛還下驚吹魚龍靜又紛况是五峰晴對
眼勝遊天地幾同羣

登寶華閣

碧水蒼山佳氣浮不將搖落浪悲秋參差臺殿千峰會迤邐川
原一望收野曠煙霞饒逸興天清花鳥破深愁登臨未盡層霄
志悵望丹梯思正悠

集華藏寺

山陰勝集神仙侶野色晴看錦繡文松老天風巢鶴鶴塔高霽
日鎖煙雲迴廊四起笙歌滿峭壁千重木葉紛莫把昏鐘促歸
騎坐升海月又重醺

聖果寺

野寺蒼茫有客來野塘無主客徘徊乘風齊上青蓮界覓句終

慙白雪才溪午疏鐘時見鹿月明香細但聞梅豪華消歇悲前
代共祝昇平禮上台

春寒

春日偶寒疑北斗柳癡梅凍詫南邦應知天意高難問可那愁
心鬱未降欲起蛟龍翻閉窟將飛鴻雁卻依江暖風容易吹冰
破好泛仙湖蕩槳雙

碧果菴

地偏人不到曲砌徧苔磯自愛尋真入何嫌與世違葺房閒白
羽藤樹挂縑衣毒熱愁無那蕭然一坐微

野外煩囂絕城中車馬紛偶來閒問社不是故離羣淨院依風
色遊心憚日曛徘徊叢柏裏香氣共氤氳

日暮不知去棲禽唳滿林僧沾微月返星向暝樓臨偃蹇由來
性遲迥自和吟明朝期再聚松落風吹襟

薑臺文集卷第二十二

十

浙江書局刊

贈溫叔子畫菊歌

畫菊自有溫叔子眼中菊花無顏色千葩萬萼貌皆神鄭老王
丞掩不得鄙人重菊尤重溫初色一揮挂吾軒霜天搖落羣芳
盡錦石崢嶸數樹存坐觀立玩欣還訝紫豔金英爛相射恍惚
如遊甘谷叢歲疑傍東籬下東籬甘谷杳難尋畫手千年直
到今細蘂疏枝秋嫋娜含煙帶露氣蕭森吁嗟叔子之菊胡爾
殊昔年致品自三吳分畦列植繞山墅朝吟把朵夕對壺一吟
一醉情相悅便欲因之向點綴濡毫拂絹花神愁生色真機造
化泄名筆今餘二十年昆池門闕踏將穿孤芳一出連城賤尺
幅將來在在傳溫叔子勁氣直操無與比畫中霜翰宛相似已
知盛名滿人寰豈意丹青推吾里東園繁華李共桃纔看綽約

候飄搖南渚芙蓉雖稱絕娉婷可耐秋風高三花總不煩君手
煩君更寫菊之友紫蘭翠竹團清泉天寒歲暮恆相守

錦江行贈劉文季太史

君不見濯錦江中錦爲水形勝冠絕西南州遠勢逶迤作字轉
清波灩澦帶花流蜀女濯錦錦爲燦水之奇異殊足歎安得臨
流一玩之令我胸中生錦瀾錦瀾星橋萬里餘太史今乘駟馬
車琴臺夕訪相如調草閣朝尋楊子廬楊馬千載今已矣只今
惟有錦江水君飲江水餐江芷君之文章亦如此君行故里山
嵯峨君行猶自費吟哦峽樹時聽嘯血鳥渚風遙遞竹枝歌歲
晚看君西南驚到時雪滿錦江路江頭得句應念余江中鯉魚
幸無數

管仲

讀書堂全集卷第二十二

十一

浙江書局刊

宋襄不足數秦楚雄方駕夷吾尙父尊成季卽其亞蹇叔百里
奚叔敖倍聲價得士貴匡襄奚事力與詐惜哉難具陳終焉歸
於假

季札

我愛延陵子觀樂目無眩與衰洞及微言言有至論聘齊規平
仲適衛說蘧瑗擇人與去侈慎禮且寡怨三讓節不移樊祭安
能困無欲故不疑鴟夷先幾遠吳沼咎哲人孰測彼方寸

魯仲連

雀自採黃花彈人何慕哉投綸向廣淵修鱗共徘徊吾嘉魯仲
連排解一笑開功成不受報英聲振八垓昭王餌多士高築黃
金臺樂毅與劇辛徒爲千金來

